

agroseguro

SEGURO DE EXPLOTACIÓN DE GANDO VACÚN DE REPRODUCCIÓN E PRODUCCIÓN

CONDICIÓN ESPECIAIS

De conformidade co Plan anual de seguros, aprobado polo Consello de Ministros, garántense os bens asegurables, con base nestas condicións especiais, complementarias das xerais de seguros pecuarios, das que este documento é parte integrante.

O tomador en representación dos seus asegurados, no caso de declaracións de seguros colectivos, e o asegurado, no caso de declaracións de seguro individual, subscriben este condicionado e aceptan especificamente as súas condicións limitativas, que aparecen salientadas en letra grosa, e reciben neste acto cadansúa copia.

APELIDOS E NOME OU DENOMINACIÓN SOCIAL DO TOMADOR

Ref. de seguro colectivo
ou ref. de seguro
individual

--	--	--	--	--	--	--	--	--	--	--

NIF

..... de de

O tomador do seguro ou o asegurado
SINATURA E SELO

ÍNDICE

	<u>Página</u>
Capítulo I: DEFINICIÓNS	3
Capítulo II: OBXECTO DO SEGURO	9
1ª - GARANTÍAS.....	9
2ª - RISCOS CUBERTOS.....	10
3ª - LIMITACIÓNS E EXCLUSIÓNS	21
4ª - PERÍODO DE GARANTÍAS.....	25
5ª - ELECCIÓN DE GARANTÍAS	26
Capítulo III: BENS ASEGURABLES	27
6ª - ÁMBITO DE APLICACIÓN	27
7ª - TITULAR DO SEGURO	27
8ª - EXPLOTACIÓNS ASEGURABLES.....	27
9ª - ANIMAIS ASEGURADOS	32
10ª - CLASE DE EXPLOTACIÓN.....	36
Capítulo IV: CONDICIÓNS DE ASEGURAMENTO	38
11ª - PERÍODO DE SUBSCRICIÓN	38
12ª - VALOR UNITARIO	38
13ª - NÚMERO DE ANIMAIS E PRODUCCIÓN DE LEITE.....	38
14ª - BONIFICACIÓNS E RECARGAS.....	38
15ª - CONDICIÓNS TÉCNICAS MÍNIMAS DE EXPLOTACIÓN E MANEXO	41
16ª - PAGAMENTO DA PRIMA.....	42
17ª - ENTRADA EN VIGOR	46
18ª - PERÍODO DE CARENCIA	46
19ª - CAPITAL ASEGURADO	48
20ª - OBRIGAS DO TOMADOR OU DO ASEGURADO.....	49
Capítulo V: SINISTRO E INDEMNIZACIÓN	52
21ª - COMUNICACIÓN DE SINISTROS	52
22ª - INSPECCIÓN DE DANOS	53
23ª - VALORACIÓN DE DANOS.....	53
24ª - SINISTRO INDEMNIZABLE	56
25ª - FRANQUÍA.....	58
26ª - CÁLCULO E PAGAMENTO DA INDEMNIZACIÓN	60
27ª - CONSULTA E VERIFICACIÓN DA INFORMACIÓN.....	60
Capítulo VI: ANEXOS	62
ANEXO I – RISCOS CUBERTOS E CONDICIÓNS DE COBERTURAS	62
ANEXO II.....	66
ANEXO III.....	71
ANEXO IV.....	77
ANEXO V.....	79

Capítulo I: DEFINICIÓNS

Para os efectos do seguro establécense as seguintes definicións:

ACCIDENTE: Calquera suceso eventual de orixe externa e de natureza traumática que sexa imprevisible, repentino e independente da vontade humana que resulta en dano involuntario.

ANIMAIS PRODUTIVOS: Este grupo de animais está integrado por: Reprodutoras, reprodutoras de alto valor xenético, sementais, sementais con certificado zootécnico, sementais mellorantes, sementais en proceso de avaliación, bois adultos e xovencas, todos eles descritos na condición 9ª.

ANIMAIS NON PRODUTIVOS: Este grupo de animais está integrado por: Recrías, recrías de alto valor xenético, bois novos, becerras e recrías en proceso de avaliación, todos eles descritos na condición 9ª.

ALTO VALOR XENÉTICO: Animais de raza pura avaliados e inscritos no libro xenealóxico da súa raza pola sociedade de criadores oficialmente recoñecida como xestora do libro, e que cumpren para cada tipo de animal os requisitos establecidos na normativa reguladora do presente seguro.

APTITUDE: Orientación produtiva das razas de animais que, polas súas características morfolóxicas, os especializa nunha determinada produción, láctea ou cárnica.

AUTORIDADE COMPETENTE: Servizos estatais ou autonómicos responsables de temas sanitarios e alimentarios.

CUALIFICACIÓN DE SANEAMENTO: Clasificación das explotacións segundo os resultados das probas de tuberculose e brucelose, en cumprimento dos programas nacionais de erradicación de enfermidades animais.

CENSO ASEGURABLE: Número de animais que cumpren os requisitos establecidos para ser asegurables.

CENSO DECLARADO: Número de animais incluídos, polo asegurado, na declaración do seguro.

CENSO REXISTRADO: Número de animais inscritos no Rexistro Xeral de Explotacións Gandeiras.

CÓDIGO REGA: Serie alfanumérica de 14 díxitos asignada a cada explotación que a identifica de forma exclusiva no Rexistro de Explotacións Gandeiras (REGA).

CONFORMACIÓN: Características morfolóxicas dos animais pertencentes a unha raza ou cruzamento de razas, relativas á capacidade corporal e volume muscular. Acorde coa conformación, distínguense determinadas razas de aptitude cárnica como de excelente conformación e resto de razas especializadas.

CONTROL OFICIAL LEITEIRO: Conxunto de actuacións para a recollida sistemática de información produtiva, cuantitativa e cualitativa, e doutro tipo, que se incorporan aos programas de cría de cada raza e aos que se someten as explotacións de raza pura de réxime lácteo, encamiñadas á obtención de índices xenéticos dos seus animais, que permiten, xunto con outros parámetros, a selección para a mellora xenética. Unha explotación considerárase en control oficial leiteiro cando polo menos o 70 % das súas vacas o estea.

CRÍAS: Animais desde o parto a termo ata un mes de idade.

IDADE: Número de meses de vida dos animais. Os días que non completen un mes computarán como un mes máis.

ENESA: Entidade Estatal de Seguros Agrarios; forma parte do Ministerio de Agricultura, Pesca e Alimentación.

ESPECIE: Conxunto de animais con características comúns que lles permite reproducirse entre si e xera descendencia fértil. Neste seguro considéranse as especies bovina, búfalos e bisontes.

EXPLOTACIÓN: Conxunto de bens organizados empresarialmente para a actividade de reprodución e produción de gando vacún que ten asignado un único código no Rexistro de Explotacións Gandeiras (REGA).

AVALIACIÓN XENÉTICA: Conxunto de operacións realizadas sobre a poboación en control de rendementos e rexistro de xenealoxías que permitan a obtención de valores xenéticos individuais para os caracteres obxectivos establecidos no programa de mellora, xunto coa súa precisión. A avaliación xenética dos reprodutores permite clasificalos polos seus méritos xenéticos, co fin de seleccionar os mellores como proxenitores das seguintes xeracións.

EVENTO: Acontecemento imprevisto, de natureza súbita e aguda, que ocorre sobre a explotación e provoca a morte de animais, que se resolven de forma rápida sen cronificarse na explotación.

FRANQUÍA: Parte do dano que queda a cargo do asegurado. Segundo a súa forma de aplicación, diferéncianse dous tipos:

A) Franquía absoluta: Aplícase restando da contía económica do dano o importe económico que supón a porcentaxe establecida sobre o capital asegurado.

B) Franquía de danos: Aplícase restando da contía económica do dano o importe que supón multiplicar a porcentaxe desta franquía sobre o valor do dano.

GRUPOS DE RAZAS: Distintas agrupacións de animais pertencentes á mesma especie de características zootécnicas semellantes (morfoloxía, orientación produtiva, aptitude, conformación, pureza etc.).

INDICACIÓN XEOGRÁFICA PROTEXIDA: Unha explotación estará amparada baixo a denominación de calidade indicación xeográfica protexida (en diante, IXP) cando o seu titular sexa un operador inscrito no rexistro dunha IXP con rexistro comunitario, e estea sometida aos controis de verificación do prego de condicións que a certifiquen como tal.

INFRASEGURO: Situación na que o valor comprobado das explotacións incluídas na declaración é superior ao seu valor declarado.

INMOBILIZACIÓN: Orde de illamento e imposibilidade de saída dos animais da nave ou instalacións dunha explotación, emitida pola autoridade competente por motivos sanitarios.

LOGOTIPO DE RAZA AUTÓCTONA: Unha explotación considerarase con “logotipo de raza autóctona” cando o seu titular sexa un operador inscrito no Rexistro de operadores autorizados para o uso do logotipo de raza autóctona, e estea sometida aos controis de verificación do prego de condicións que a certifiquen como tal.

MÍNIMO INDEMNIZABLE: Dano mínimo producido por un risco cuberto e que debe superarse para poder ter dereito a indemnización.

PARTO A TERMO: Considerarase así cando o período de xestación teña unha duración de 270 días ou se aprecie na cría a erupción de dentes incisivos.

PERÍODO DE GARANTÍAS: Tempo durante o cal a explotación está amparada polas garantías da póliza.

PRODUCCIÓN ECOLÓXICA: Unha explotación considérase de produción ecolóxica se está así rexistrada segundo as normas vixentes, está sometida aos controis que a certifican como tal e dispón do plan de xestión de alimentación do gando e do libro de control sanitario debidamente actualizado e dilixenciado.

RAZA PURA: Agrupación dos animais en función de que presentan ou non uns estándares raciais acollidos a cualificación e que se poden demostrar mediante certificado zootécnico ou documentación emitidos pola entidade responsable. Unha explotación será considerada de raza pura se cando menos o 70 % dos seus animais produtivos posúe certificado zootécnico emitido pola sociedade de criadores correspondente, incluídos os expedidos polos organismos competentes, dos terceiros países autorizados, segundo a normativa en vigor.

RAZAS DE EXCELENTE CONFORMACIÓN I: Para os efectos do seguro, considéranse como razas de excelente conformación as seguintes razas: asturiana dos vales, rubia galega, pirenaica, aberdeen angus, branco azul belga, blonda de Aquitania, charolesa, lemosina.

RAZAS DE EXCELENTE CONFORMACIÓN II: Para os efectos do seguro, considéranse como razas de excelente conformación as seguintes razas: aubrac, fleckvieh, gascoa, hereford, salers, shorthorn, wagyu e as mestizas que só teñan sangue destas razas ou do grupo anterior.

RAZAS ESPECIALIZADAS: para os efectos do seguro, considéranse razas especializadas as seguintes: asturiana da montaña, avileña negra ibérica, bruna dos Pireneos, morucha, parda de montaña, parda alpina, retinta, tudanca, alistana-sanabresa, as razas estranxeiras de carne non incluídas no grupo anterior e as mestizas que deriven dos cruzamentos exclusivos de entre as razas deste grupo e do de excelente conformación.

RÉXIME: Forma de explotación dos animais relacionada coa tradición, o clima, o territorio e a aptitude. Abrangue os medios de produción empregados para a explotación.

RÉXIME LÁCTEO: Explotacións con animais de aptitude láctea que moxen varias veces ao día as súas vacas, con sistema de muxir mecánico e tanque de refrixeración de leite adecuadamente dimensionados aos animais en muxidura que posúa.

RÉXIME DE CENTROS DE RECRÍA DE XOVENCAS: Sistema de recría de vacúns dedicado en exclusividade á cría de femias, que serán destinadas posteriormente á reprodución noutras explotacións de reprodución e produción. (Cando se trate de vacúns de aptitude cárnica poderán ter algún semental para cubrir as xovencas).

RÉXIME DE DEVESA: Sistema de explotación de reprodución e produción de vacúns de aptitude cárnica localizado en devesas situadas en chairas convenientemente cercadas nas que, diariamente, se controla a situación dos animais, o seu estado, alimentación etc.

RÉXIME DE CENTROS DE REPRODUCCIÓN E DE TESTAXE:

Enténdese por estes:

- Centros de reprodución oficialmente autorizados dedicados á recollida, produción e almacenamento de material reprodutivo para a súa utilización nas distintas técnicas de reprodución gandeira no marco dos programas de cría da raza de gando
- Centros de testaxe recoñecidos dedicados á realización de controis de

rendemento do gando no marco dun programa de cría aprobado, garantindo unhas condicións ambientais e de manexo comúns a todos os exemplares e unha recollida de información homoxénea e de acordo coa lexislación vixente nos que se atopan en depósito, permanente ou temporal, sementais de alta valoración xenética en proceso de avaliación, testados, mellorantes e recrías en proceso de avaliación.

RÉXIME DE PRODUCCIÓN DE BOIS: Sistema de explotación de machos vacúns castrados que inclúe un período de varios anos en pastoreo extensivo e un período de acabado dalgúns meses en estabulación permanente.

RÉXIME EXTENSIVO DE FÁCIL CONTROL: Sistema de explotación de reprodución e produción de vacúns de aptitude cárnica manexados durante todo o ano en cercados de topografía pouco ou nada accidentada, con vías de fácil acceso e sen existir convivencia con outros rabaños. Nesta modalidade de sistema extensivo, pola extensión da explotación e/ou polo seu manexo, todos os animais son controlados polo menos unha vez cada 48 horas.

RÉXIME EXTENSIVO DE PASTOREO ESTACIONAL E DIFÍCIL CONTROL: Sistema de explotación de reprodución e produción de vacúns de aptitude cárnica non incluído en ningún dos réximes anteriormente definidos. Inclúe este réxime de manexo o das explotacións transhumantes que trasladen os animais a comunidades autónomas diferentes cando este traslado non se realice a pé.

RÉXIMES CÁRNICOS: Inclúe os réximes de extensivos de fácil e difícil control e o de devesa.

REGRA DE EQUIDADE: Redución da indemnización na mesma proporción na que está a prima satisfeita respecto da que se había de aplicar, de acordo co contrato do seguro.

REGRA PROPORCIONAL: Redución da indemnización na mesma proporción na que se atopa o valor declarado respecto ao valor acreditado da explotación, de acordo co contrato do seguro.

RESTRICIÓN DE MOVEMENTOS: Limitación da saída de animais dunha explotación a unha área concreta ou a outras explotacións, decretada pola autoridade competente, para protexer a saúde pública ou animal.

SACRIFICIO NECESARIO: O solicitado polo asegurado, recollido e aceptado na correspondente acta de taxación polo técnico designado por Agroseguro dun animal afectado por un evento garantido, con previsible risco de morte. Pode ser practicado en matadoiro, para obter o correspondente valor de recuperación, ou na explotación.

SACRIFICIO OBRIGATORIO: Sacrificio de animais decretado pola administración competente, co fin de protexer a saúde pública ou animal.

SISTEMA DE PRODUCCIÓN: Sistema utilizado para a xestión agropecuaria e produción de alimentos e que combina as prácticas de cultivo dun determinado modo para a obtención de produtos con determinadas características (tradicional, ecolóxica...).

SOBRESEGURO: Situación na que o valor acreditado das explotacións incluídas na declaración é inferior ao seu valor declarado.

TIPO DE ANIMAL: Grupo de animais da explotación que se diferencian en cada liña atendendo a criterios de idade, sexo, pureza etc., para cada especie e grupo de razas.

TOMA DE EFECTO DO SEGURO: Momento no que se fan efectivas as garantías, unha vez producida a entrada en vigor e transcorrido o período de carencia.

TRATANTE OU OPERADOR COMERCIAL: Calquera persoa física ou xurídica dedicada directa ou indirectamente á compra e venda de animais con fins comerciais inmediatos.

VALOR ASEGURADO DA EXPLOTACIÓN: É a suma dos produtos do número de animais de cada tipo declarados polo valor unitario escollido para cada tipo. No caso do leite, será a produción declarada polo prezo escollido.

VALOR UNITARIO DECLARADO: Valor elixido polo asegurado entre o máximo e o mínimo que establece ENESA para os animais, conforme a especie, grupo de raza, tipo de animal e características da explotación.

VALOR UNITARIO ACREDITADO: Valor unitario máximo ao que se poderían asegurar os animais da explotación, xustificado documentalmente polo asegurado.

VALOR UNITARIO BASE: O menor de entre o valor unitario declarado e o valor unitario acreditado.

VALOR DE RECUPERACIÓN: É o importe que debe deducirse por reutilización, rescate ou recuperación en carne do animal.

Capítulo II: OBXECTO DO SEGURO

Asegúranse as explotacións da especie bovina, búfalos e bisontes para a cría, reprodución e produción.

1ª - GARANTÍAS

I. GARANTÍAS BÁSICAS

Cóbreanse os danos ocasionados nos animais polos riscos que se describen en «Riscos cubertos» para esta garantía.

II. GARANTÍAS ADICIONAIS

Para complementar a garantía básica poderanse as garantías adicionais que se mencionan a continuación, que cobren os riscos que se detallan en «Riscos cubertos» e que se poderán elixir como se describe no anexo I.

- 1 ACCIDENTES INDIVIDUAIS
- 2 PARTO
- 3 MORTE DE CRÍAS
- 4 MAMITE
- 5 ENFERMIDADES
- 6 SRB
- 7 METEORISMO
- 8 CARBÚNCULO E ENTEROTOXEMIA
- 9 MORTE SÚBITA
- 10 GROMO DE MAMITE
- 11 DIMINUCCIÓN DA PROLIFICIDADE
- 12 PERDA DE CALIDADE DO LEITE
- 13 MORTALIDADE POR CAUSAS DIVERSAS
- 14 SANEAMENTO EXTRA
- 15 PRIVACIÓN DE ACCESO A PASTEIROS

2ª - RISCOS CUBERTOS

I. GARANTÍA BÁSICA

1. SANEAMIENTO BÁSICO

Cóbrese o sacrificio obrigatorio dos animais e a perda de cualificación derivada deste sacrificio decretado pola autoridade competente cando se reúnan todos os requisitos para ser indemnizado pola Administración na parte que lle corresponde, polos resultados das probas do saneamento gandeiro, iniciadas no período de vixencia do seguro e mentres estea vixente a póliza, das seguintes enfermidades:

- Tuberculose bovina.
- Brucelose bovina.
- Leucose enzoótica bovina.
- Peripneumonía contaxiosa bovina.

Poderán asegurar esta garantía:

- As explotacións que contratasen esta garantía ou a de saneamento extra no plan anterior e contraten esta liña no prazo de 30 días tras o vencemento da anterior.
- O resto de explotacións deberán ter asignada no momento da contratación unha cualificación sanitaria de T2 negativo/B2 negativo ou superior.

Para esta garantía, a data de sinistro será a de inicio das probas na explotación, salvo que houbese unha suspensión ou unha perda de cualificación motivada por unha detección da enfermidade fóra da explotación, caso en que a data será a desa detección.

Os animais que nacesen na explotación tras a proba de saneamento e que se inclúan nun baleiro sanitario tamén estarán cubertos.

2. FEBRE AFTOSA

Ante a comunicación oficial pola autoridade competente da aparición de febre aftosa ou da súa sospeita cóbrense:

- A perda de produción provocada polas obrigas de corentena como consecuencia da declaración oficial de febre aftosa na explotación.
- A inmovilización á que sexa sometida a explotación, durante o período de vixencia do seguro por un período mínimo de 21 días e ata un máximo de 17 semanas durante todo o período de vixencia do seguro, cunha compensación económica por animal e semana completa de inmovilización.

Considéranse os días que non completen unha semana como unha semana máis.

3. ENCEFALOPATÍA ESPONXIFORME BOVINA (EEB)

Cóbrese a morte e os sacrificios obrigatorios dos animais que decreta a autoridade competente por probas realizadas no período de vixencia do seguro, en aplicación do programa nacional de vixilancia, control e erradicación establecido para a EEB, coa compensación por animal prevista no anexo III.

Tamén se compensará polos animais asegurados que resulten comisados no matadoiro como consecuencia directa ou indirecta dun resultado positivo a EEB, coa cantidade de 255 €.

4. RISCOS CLIMÁTICOS E OUTROS RISCOS

Cóbrese a morte ou o sacrificio necesario de animais debido a incendio ou esmagamento por derruba da instalación.

Ademais, cóbrese a morte ou o sacrificio necesario de animais por efecto directo dunha adversidade climática (inundación, raio, neve). Cando un axente meteorolóxico impida a atención, o coidado ou o manexo normal dos animais e diso derive a súa morte ou sacrificio necesario, tamén estarán cubertos.

5. ATAQUE DE ANIMAIS

Cóbrese a morte, o sacrificio necesario ou o sacrificio económico de animais como consecuencia do ataque de animais salvaxes ou bravos.

Cando se comprobe que o sinistro ocorreu, cóbrense ademais os gastos veterinarios, contra factura, dos tratamentos realizados sobre os animais maiores dun mes que tamén resulten danados no ataque, cun máximo de 160 euros por ataque. Os animais deberán ser atendidos por un veterinario, quen deberá especificar e certificar, por instancia do asegurado, mediante un informe veterinario, os tratamentos realizados.

6. MORTALIDADE MASIVA

Cóbrese a morte de cando menos 4 animais maiores de 6 meses que se produza de forma simultánea e provocada por un mesmo evento, nun prazo máximo de 48 horas, para as explotacións de ata 100 animais produtivos (e 1 animal máis, maior de 6 meses, por cada centena sucesiva, considerando que os animais produtivos, aínda que non completen unha centena, contarán como unha centena máis). Tamén estarán cubertas as mortes e os sacrificios necesarios que deriven do devandito evento nos 10 días seguintes á data na que se produciu.

Superado o mínimo indemnizable, os animais de ata 6 meses de idade sinistrados no evento tamén estarán cubertos.

7. PERDA DE ANIMAIS PRODUTIVOS POR MORTALIDADE MASIVA

Compensarase polo período de recuperación da produción consecutivo a unha mortalidade masiva que provoque a morte de cando menos 4 animais produtivos para as explotacións de ata 100 animais produtivos, máis 1 animal produtivo por cada centena de máis, considerando que os animais produtivos, aínda que non completen unha centena, contarán como unha centena máis.

II. GARANTÍAS ADICIONAIS

Para complementar as coberturas da garantía básica, poderanse contratar as seguintes garantías adicionais:

1. ACCIDENTES INDIVIDUAIS

Riscos cubertos: Morte ou sacrificio necesario por algún dos seguintes accidentes:

- Traumatismos músculo-esqueléticos, viscerais ou no aparello circulatorio.
- Afogamento por inmersión.
- Obstrución esofáxica.
- Perforación do tubo dixestivo por inxestión dun corpo extraño.
- Traumatismos no sistema mamario que provoquen hemorraxia aguda mortal.
- En explotacións de réximes cárnicos: Mamite traumática e mamite gangrenosa.
- Intoxicación aguda.
- Morte ou sacrificio necesario por fractura de pene en sementais.

Ademais dos riscos anteriores, os sementais do réxime de manexo de centros de reprodución oficialmente autorizados terán, mentres estean no centro, os seguintes riscos cubertos:

- Sacrificio necesario por lesións agudas, primarias e irreversibles, nas extremidades posteriores que impidan realizar a monta.
- O custo limitado a 315 € por animal das intervencións cirúrxicas, previamente aceptadas por Agroseguro e practicadas por un veterinario, co obxecto de reducir as consecuencias dun accidente ou enfermidade, cubertos pola póliza do seguro.

2. PARTO E CIRURXÍA

Cóbrese, para as vacas, segundo o período de tempo transcorrido tras un parto levado a termo:

- Desde o parto ata 7 días despois:
 - o Para explotacións de réxime lácteo: a morte ou o sacrificio necesario da nai causado por accidente traumático.
 - o A morte ou o sacrificio necesario da nai causado por un parto distócico, por requirir a intervención dun veterinario, porque a femia non pode parir por si soa.
 - o As lesións traumáticas no aparello locomotor como consecuencia de parto distócico.
 - o A morte ou o sacrificio necesario por hemorraxia no parto ou no posparto.
 - o A morte ou o sacrificio necesario por hipocalcemia aguda (febre do leite, golpe do leite, febre vitularia).
 - o Para asegurados con bonificación: Morte da nai de menos de 72 meses de idade en explotacións de réxime lácteo, e de menos de 108 meses de idade en explotacións de réximes cárnicos, calquera que sexa a causa.
- Desde o parto ata 10 días despois:
 - o A morte ou o sacrificio necesario por intervención cirúrxica de cesárea.
 - o A morte ou o sacrificio necesario por prolapso de matriz: exteriorización completa do útero como consecuencia do parto.
- Desde o parto ata 20 días despois:
 - o A morte ou o sacrificio necesario por prolapso de vaxina, consecutiva a un prolapso de matriz, previamente reducido por un veterinario e que xa fose peritado por Agroseguro.

Ademais, cóbrese:

- o A morte da cría ata as 24 horas desde o parto a termo, cando se produza tamén a morte ou o sacrificio necesario da nai e esta cuberta por esta garantía.

- O reembolso de honorarios, ante factura, que satisfíxese o gandeiro a un veterinario como consecuencia:
 - Da intervención facultativa para reducir o prolapso de matriz, cun máximo de 95 euros.
 - Da operación cirúrxica de cesárea, cun máximo de 185 euros.

3. MORTE DE CRÍAS

- Para asegurados cunha recarga máxima de ata o 50 %, neutros ou con bonificación, nos réximes lácteo, extensivo de fácil control, extensivo de difícil control e devesa, cóbrese a morte das crías desde o momento do parto a termo ata 30 días despois.

4. MAMITE

Nas explotacións de réxime lácteo para as vacas de menos de 108 meses que parisen nos últimos 6 meses ou se atopen xestantes ou teñan unha produción superior a 25 litros/día, cobre:

- O sacrificio económico por:
 - Incontinencia láctea irreversible nun ou máis tetos, ocasionada por un accidente traumático (amputación, separación irreparable ou esmagadura do teto).
 - Mamite séptica con afección inflamatoria clínica do ubre e perda irreversible da función láctea nun cuarteirón ou máis.
- A morte como consecuencia dunha mamite hiperaguda.

Nas explotacións de réximes cárnicos para as vacas de ata 108 meses de idade dentro dos 6 meses posteriores ao parto, cóbrese:

- A morte por mamite hiperaguda.
- O sacrificio económico por incapacidade para manter a cría debido ás secuelas derivadas dunha mamite (polo menos 3 cuarteiróns).

5. ENFERMIDADES

Cobre a morte ou o sacrificio necesario de animais a causa das seguintes enfermidades:

- Úlceras de abomaso (calleiro).
- Úlceras de duodeno.

- Torsión ou invaxinación intestinal.
- Fracaso da intervención cirúrxica para a corrección da dislocación de abomaso con ou sen torsión, ata 10 días despois da intervención.
- Queratoconxuntivite bilateral e irreversible con perda total da visión.
- Hemoglobinuria puerperal.
- Tetania hipomagnesémica (tetania dos pastos).
- Actinomicose e actinobacilose.
- Anaplasmoses, babesioses e theilerioses.
- Morte por pneumonía en animais produtivos para asegurados con bonificación.

Ademais, cóbrese:

- O reembolso polos honorarios da intervención cirúrxica de corrección da torsión ou o desprazamento do abomaso, contra factura, cun máximo de 160 euros.

6. SÍNDROME RESPIRATORIO BOVINO (SRB)

Cóbreanse os animais non produtivos que padezan esta síndrome con signos de patoloxía respiratoria, causada polos virus IBR, PI-3, EM/BVD, AD-3 e VRS, cando lles produza a morte ou un estado tal que requira o seu sacrificio necesario.

7. METEORISMO AGUDO

Cobre a morte por meteorismo agudo, entendido para os efectos do seguro como a acumulación de gas de forma repentina nos dous primeiros compartimentos do estómago do ruminante, e que por presión de órganos vitais provoque a morte de forma inmediata ou, en todo caso, nun prazo inferior ás 48 horas, sempre coa evidencia anatomopatolóxica dunha liña de isquemia no esófago.

8. CARBÚNCULO E ENTEROTOXEMIA

Cobre a morte por carbúnculo sintomático (producido por *Clostridium chauvoei*) de animais vacinados nos doce meses anteriores ao sinistro.

Cobre a morte por enterotoxemia (producida polo *Clostridium perfringens*) dos animais non produtivos vacinados nos doce meses anteriores ao sinistro.

Tamén se cobre a morte por carbúnculo bacteriano (producido polo *Bacillus anthracis*) coas seguintes condicións: **Nas comarcas de Don Benito (Badaxoz), Cangas de Onís (Asturias), Herrera del Duque (Badaxoz), Logrosán (Cáceres), Malagón (Cidade Real), Mérida (Badaxoz), Badajoz (Badaxoz), Trujillo (Cáceres) e Sierra Norte de Sevilla (Sevilla), os animais sinistrados deberán estar vacinados contra o carbúnculo bacteriano, nos doce meses anteriores ao sinistro.**

9. MORTE SÚBITA

Esta garantía, para asegurados con bonificación que contraten a garantía de enfermidades ou a de parto ou a de accidentes individuais, cobre a morte repentina dun animal, sen signos de procesos infecciosos ou parasitarios ou outras enfermidades, de ata 72 meses de idade, se é de aptitude láctea, ou de ata 119 meses de idade, se é de aptitude cárnica.

10. GROMO DE MAMITE CLÍNICA

Para explotacións de réxime lácteo:

- cunha media xeométrica móbil de reconto de células somáticas (en diante, RCS) en tanque inferior a 300.000 ml durante os 3 meses anteriores á contratación,
- cunha media xeométrica móbil de unidades formadoras de colonias (UFC) de leite de tanque inferior a 50.000 ml durante os 2 meses anteriores á contratación e
- con ausencia de inhibidores de crecemento en leite de tanque nos 6 meses anteriores á contratación.

Cobre o gromo de mamite clínica, entendendo por tal a presentación simultánea nunha explotación dun número de vacas con síntomas de mamite clínica provocada polo mesmo xerme que supoña polo menos o 1,5 % das reproductoras (con arredondamento ao enteiro inmediatamente inferior), cun mínimo de 6 vacas. Tamén estarán incluídas, logo de comunicación a Agroseguro, as afectadas polo mesmo xerme, nos 30 días posteriores á comunicación e comprobación da existencia de gromo.

Cando se produza un gromo de mamite clínica, compensarase:

- Polo sacrificio económico dos animais que resulten afectados e non sexan recuperables.
- Pola perda de produción dos animais afectados, sacrificados e non sacrificados.
- Polos animais que morran pola mamite.

11. DIMINUCCIÓN DA PROLIFICIDADE

Para as explotacións dos réximes cárnicos, cóbrese a diminución da prolificidade da explotación superior ao 15 % durante o período de cobertura do seguro, respecto da obtida nos 36 meses anteriores á contratación da póliza.

Para os efectos do seguro, a prolificidade defínese como a porcentaxe de tenreiros nados na explotación e inscritos no REGA, respecto do número de femias produtivas, nun período de 12 meses. Para o cálculo do censo, sumaranse os censos correspondentes ao día 15 de cada mes e o total dividirase entre 36.

Cando nunha póliza estean incluídas varias explotacións, o cálculo da prolificidade farase polo conxunto de explotacións.

12. PERDA DE CALIDADE DO LEITE

Poderán contratar esta cobertura por primeira vez as explotacións de réxime lácteo que en cada un dos seis meses anteriores á contratación do seguro cumprisen os seguintes requisitos:

- Leite do tanque cun RCS inferior a 300.000 células/ml.
- Unidades formadoras de colonias (UFC) cunha contaxe inferior a 50.000 UFC/ml.
- Ausencia de inhibidores de crecemento bacteriano.

Poderase renovar a contratación desta garantía no prazo de 10 días tras o vencemento da póliza anterior con calquera media xeométrica móbil trimestral inmediata anterior á data de contratación. Cando esa media sexa igual ou superior a 300.000 células/ml, a garantía tomará efecto o mes de vixencia do seguro no que baixe de 300.000 células/ml. Neste caso o estrato para consignar será o «E».

Estratos asegurables:

En relación cos recontos celulares do leite do tanque, para contratar esta garantía para os efectos do seguro considéranse os seguintes estratos:

- A) Para contratar este estrato, o RCS en cada un dos seis meses anteriores á contratación deberá ser < 100.000 células/ml.
- B) Para contratar este estrato, a media xeométrica móbil trimestral inmediata anterior á data de contratación deberá ser < 150.000 células/ml.
- C) Para contratar este estrato, a media xeométrica móbil trimestral inmediata anterior á data de contratación deberá estar incluída no intervalo ≥ 150.000 e < 200.000 células/ml.
- D) Para contratar este estrato, a media xeométrica móbil trimestral inmediata anterior á data de contratación deberá estar incluída no intervalo ≥ 200.000 e < 250.000 células/ml.
- E) Para contratar este estrato, a media xeométrica móbil trimestral inmediata anterior á data de contratación deberá estar incluída no intervalo ≥ 250.000 e < 300.000 células/ml.

Esta garantía compensa:

- Polo incremento do RCS na media xeométrica móbil (MXM) mensual do leite do tanque que supoña un cambio de polo menos dous estratos respecto do estrato correctamente contratado, coa valoración prevista no anexo V.
- Polo valor do leite do tanque producido cando menos nunha muxidura completa (e o custo da súa destrución) que resulte non comercial pola presenza de inhibidores.
- Pola penalización económica á explotación, por parte da empresa receptora do leite, pola detección de inhibidores, cunha indemnización máxima de 4,2 céntimos por kg producido, limitado a un só mes de entre o período de vixencia do seguro e con presentación de factura.
- Polo valor do leite do tanque que resulte non comercial por elevados niveis de aflatoxinas, así como o custo da súa destrución.

13. MORTALIDADE POR DIVERSAS CAUSAS

Para todos os réximes, excepto o lácteo e o de centros de reprodución, cóbrese a morte de animais produtivos e non produtivos, agrupando as coberturas de morte e sacrificio necesario de todas las garantías adicionais.

Ademais, cóbrese o reembolso de honorarios, ante factura, que satisfíxese o gandeiro a un veterinario como consecuencia:

- Da intervención facultativa para reducir o prolapso de matriz, cun máximo de 95 euros.

- Da operación cirúrxica de cesárea, cun máximo de 185 euros.
- Do reembolso polos honorarios da intervención cirúrxica de corrección da torsión ou o desprazamento do abomaso, contra factura, cun máximo de 160 euros.

14. SANEAMENTO GANDEIRO EXTRA

Esta garantía, que inclúe e amplía a do saneamento básico, cobre o sacrificio obrigatorio dos animais e a perda de cualificación derivada deste sacrificio decretado pola autoridade competente, cando se reúnan todos os requisitos para ser indemnizado pola Administración na parte que lle corresponde, polos resultados das probas do saneamento gandeiro, iniciadas no período de vixencia do seguro, e mentres estea vixente a póliza, das seguintes enfermidades:

- Tuberculose bovina.
- Brucelose bovina.
- Leucose enzoótica bovina.
- Peripneumonía contaxiosa bovina.

Poderán asegurar esta garantía:

- As explotacións que contratasen esta garantía no plan anterior e contraten esta liña no prazo de 30 días tras o vencemento da anterior.
- O resto de explotacións deberán ter asignada no momento da contratación unha cualificación sanitaria de T3/B4 ou superior, e non poderán acceder a esta garantía se no momento da contratación estiveren sometidas a probas de intradermotuberculinización (ou de gamma-interferón EURLAB) no marco do Programa nacional de erradicación de tuberculose bovina, ou por relación epidemiolóxica con explotacións positivas ou por estar sendo investigadas ao atopar lesións compatibles ou por toma de mostras en matadoiro.

Para esta garantía, a data de sinistro será a de inicio das probas na explotación, salvo que se produza unha suspensión ou unha perda da titulación por unha detección da enfermidade fóra da explotación, caso en que a data será a desa detección.

Os animais que nacesen na explotación tras a proba de saneamento e que se inclúan nun baleiro sanitario tamén estarán cubertos.

Ademais, para os réximes lácteo, cárnicos e centros de reprodución compénsase polo tempo en que se impide a restitución dos animais produtivos sacrificados, contado desde a data de sacrificio.

Os animais que nacesen na explotación tras a proba de saneamento e que se inclúan nun baleiro sanitario tamén estarán cubertos.

15. PRIVACIÓN DE ACCESO A PASTEIROS

Esta garantía compensa polo maior gasto en alimentación ocasionado no período no que os animais non poidan acceder aos pasteiros que tradicionalmente aproveitan, por ordenar a súa inmovilización a autoridade competente a través dos seus servizos oficiais veterinarios tras o resultado positivo das probas de saneamento gandeiro na explotación asegurada para as enfermidades:

- Tuberculose bovina.
- Brucelose bovina.
- Leucose enzoótica bovina.
- Peripneumonía contaxiosa bovina.

Requisitos para acceder a esta garantía:

As explotacións que queiran asegurar esta garantía deberán cumprir:

- a) Para as que aproveiten os pastos na propia comunidade autónoma, deberán cumprir as seguintes condicións:
 - Ter a cualificación sanitaria de T3 e B4 e non ter restricións de movementos ou comerciais por razóns sanitarias relacionadas co saneamento e por non ter ningún animal reaccionante ou dubidoso na última proba de saneamento.
 - Deberán pertencer e estar aseguradas en réxime de difícil control ou devesa.
 - O asegurado deberá poder acreditar mediante guía de traslado que aproveitaron os pasteiros o ano anterior (se non fose posible por ter un caso positivo o ano anterior, será válido a de dous anos anteriores).

En Asturias, Cantabria, A Rioxa, Navarra, País Vasco, Soria e Burgos, esta esixencia poderase substituír por documentación que probe que percibiu axudas agroambientais por «pastoreo racional en superficies de uso común» ou cando os pastos estean incluídos na súa declaración da PAC do ano anterior.
- b) Para as explotacións que aproveiten os pastos noutra comunidade autónoma, deberán cumprir as seguintes condicións:
 - Ter a cualificación sanitaria de T3 e B4 e non ter restricións de movementos ou comerciais por razóns sanitarias relacionadas co saneamento e non ter

ningún animal reaccionante ou dubidoso na última proba de saneamento.

- Deberán pertencer e estar aseguradas en calquera réxime cárnico ou o de produción de bois.
- Que poidan acreditar mediante guía de traslado que o ano anterior aproveitaron pastos noutra comunidade autónoma o ano anterior (dada a imposibilidade por ter un caso positivo o ano anterior, será válida a de dous anos anteriores).

3ª - LIMITACIÓNS E EXCLUSIÓNS

Ademais das exclusións previstas na condición cuarta das condicións xerais, quedan excluídos de todas as garantías:

- Os sucesos nos que o técnico designado por Agroseguro non poida efectuar o exame dos bens asegurados (leite ou outros), dos animais ou dos seus restos na explotación ou no matadoiro (por causas non imputables ao devandito técnico ou a Agroseguro).

Exceptúanse:

- Os casos nos que exista un pacto expreso previo ante comunicacións de sinistro.
 - Os casos en que se impida a entrada á explotación por restricións sanitarias decretadas oficialmente.
- As consecuencias das intervencións non realizadas por un veterinario.
 - Os animais produtivos ou non produtivos non identificados ou non correctamente inscritos no libro de rexistro de explotación.
 - Os animais desnutridos ou caquéticos.

II. LIMITACIÓNS E EXCLUSIÓNS POR GARANTÍAS

A) MORTALIDADE MASIVA

- As enfermidades da lista de enfermidades comúns a varias especies ou a lista de enfermidades bovinas, de declaración obrigatoria á OMSA.
- As enfermidades transmisibles.
- Procesos parasitarios excepto por anaplasmas, babesias e theilerias.

B) ACCIDENTES INDIVIDUAIS

- Nas intoxicacións, os animais deberán ser atendidos por un veterinario, quen deberá especificar e certificar, por instancia do asegurado, mediante un informe veterinario, as probas diagnósticas de laboratorio e os tratamentos realizados.
- Nas explotacións lácteas: quedan excluídos desta garantía aqueles accidentes traumáticos que se produzan durante os 7 primeiros días posteriores ao parto, salvo que se deban ás seguintes causas: atropelo, esmagamento, esfragamento, afogamento, estrangulamento, electrocución ou traumatismos alleos ao aparello locomotor.

C) PARTO

Exclusións:

- Os animais aos que non se lles prestou a asistencia veterinaria debida, ante a presentación dun parto distócico, salvo casos debidamente xustificados.
- As vacas de menos de 24 meses en razas lácteas e menos de 29 meses en razas cárnicas, salvo cando teñan nivelación dos incisivos centrais definitivos, a alzada dun adulto ou alcancen as tres cuartas partes do peso dun adulto.
- As primíparas cubertas con sementais de raza asturiana dos vales ou rubia galega cando elas non sexan da mesma raza que o semental.
- As primíparas mestizas cruzamento de razas branco azul belga, charolesa, asturiana dos vales ou rubia galega, preñadas cun semental desa mesma raza.
- Non se cubrirá a morte de máis dunha cría por parto.

D) MORTE DE CRÍAS

- Os animais nados mortos ou mortos durante o parto, procedentes de femias cubertas precozmente. Enténdese por estas aquelas vacas menores de 24 meses de idade nas razas leiteiras e menores de 29 meses nas razas cárnicas no momento do parto, agás cando teñan nivelación dos incisivos centrais definitivos, a alzada dun adulto, ou alcancen as tres cuartas partes do peso dun adulto.
- As crías sen pendentes e sen identificar maiores de 20 días (excepto as explotacións de extensivo de carne que amplíen ese prazo autorizadas pola autoridade competente).

- Os asegurados con recarga terán un límite máximo de crías indemnizables do 15 % das femias produtivas aseguradas, nas explotacións de aptitude cárnica, e do 30 % nas de aptitude láctea.

E) METEORISMO

Nos réximes extensivos e de devesa só estarán cubertos os sinistros que se produzan mentres os animais estean confinados.

Quedan excluídos os animais con meteorismo crónico.

F) SANEAMENTO GANDEIRO

Salvo a renovación deste seguro no prazo de 30 días despois do vencemento da póliza anterior, non poderán acceder a esta garantía as explotacións que non teñan unha cualificación sanitaria que non sexa T2 negativa e B2 negativa ou superior.

Non terán cobertura as explotacións afectadas por probas de saneamento iniciadas con data anterior á da toma de efecto do seguro.

G) SANEAMENTO GANDEIRO EXTRA

Salvo renovación desta garantía no prazo de 30 días tras o vencemento da póliza anterior, non poderán acceder a esta garantía:

As explotacións que non teñan unha cualificación de indemne ou oficialmente indemne a tuberculose e brucelose bovinas (T3 e B4).

As explotacións que teñan unha cualificación de indemne ou oficialmente indemne a tuberculose e brucelose bovinas (T3 e B4) e que no momento da contratación estean sometidas a probas de intradermotuberculinización (ou de gamma-interferón EURLAB) no marco do Programa nacional de erradicación de tuberculose bovina, ou por relación epidemiolóxica con explotacións positivas ou por estar sendo investigadas ao atopar lesións compatibles ou por toma de mostras en matadoiro.

A compensación máxima polo tempo no que non se poidan introducir animais tras o sacrificio será a correspondente a 17 semanas para cada animal adulto sacrificado, que comezarán a contar desde a data do seu sacrificio.

Non terán cobertura as explotacións afectadas por probas de saneamento iniciadas con data anterior á da toma de efecto do seguro.

H) PRIVACIÓN DE ACCESO A PASTEIROS

Para poder asegurar esta garantía deberá ter a cualificación de T3 e B4 e non poderán acceder aquelas explotacións que no momento da contratación

estean sometidas a probas de intradermotuberculinización (ou de gamma-interferón EURLAB) no marco do Programa nacional de erradicación de tuberculose bovina, ou por relación epidemiolóxica con explotacións positivas ou por estar sendo investigadas ao atopar lesións compatibles ou por toma de mostras en matadoiro.

O período máximo indemnizable é de 10 semanas.

A indemnización semanal máxima será do 0,4 % do valor unitario asegurado dos animais.

Non estará cuberta a privación de acceso a pasteiros desde o 1 de novembro ao 30 de abril en Asturias, Cantabria, A Rioxa, Navarra, País Vasco, Soria e Burgos.

Non terán cobertura as explotacións afectadas por probas de saneamento iniciadas con data anterior á da entrada en vigor do seguro.

I) MORTE SÚBITA

Non se indemnizarán as mortes de varios animais como consecuencia de gromos. Para os efectos do seguro, entenderase por gromo a morte de máis do 6 % dos animais reprodutores asegurados, en similares circunstancias, nun período de 15 días.

J) GROMO DE MAMITE

A garantía de gromo de mamite clínica extinguirase co segundo gromo comunicado e comprobado, polo que só se cubrirán dous gromos por explotación.

Exclusións:

- **Os animais que fixesen 108 meses.**
- **A produción de animais con máis de 300 días desde o parto.**
- **Os animais que non se atopen xestantes seis meses despois do último parto. Exceptúanse as reproductoras cuxa produción de leite no momento do sinistro, acreditada co control leiteiro oficial, fose superior a 25 litros/día.**

K) MORTALIDADE POR DIVERSAS CAUSAS

Esta garantía é incompatible con todas as garantías adicionais, excepto as de saneamento extra, privación de acceso a pastos, morte de crías, diminución da prolificidade e mamite.

Exclusións:

- As enfermidades da lista de enfermidades comúns a varias especies ou a lista de enfermidades bovinas, de declaración obrigatoria á OMSA, salvo carbúnculos, enterotoxemia e rinotraqueíte infecciosa bovina.
- Procesos parasitarios, excepto por anaplasmas, babesias e theilerias.
- Os sinistros indemnizados pola garantía básica.

L) DIMINUCCIÓN DA PROLIFICIDADE

Excluírase desta garantía a diminución de prolifidade debida ao baleiro sanitario ou mortalidade masiva.

M) Á GARANTÍA DE PERDA DE CALIDADE DO LEITE

As explotacións cuxa MXM durante tres meses consecutivos supere 400.000 células somáticas/ml quedarán sen coberturas o mes ou meses consecutivos posteriores en que non baixen da devandita cifra.

A indemnización pola eliminación e o valor do leite do tanque con inhibidores ou aflatoxinas e a penalización pola detección de inhibidores ou aflatoxinas limitaranse en ambos os casos a unha soa vez en todo o período de garantías.

Os sinistros por presenza de inhibidores no leite de tanque nos que non se xustifique a prescrición veterinaria do antibiótico non estarán cubertos.

A compensación polo custo da destrución do leite limitarase a 25,2 céntimos de euro por litro, con presentación de factura.

O número de meses indemnizables máximo durante o período de cobertura será de 6.

O período máximo de indemnización por aflatoxinas será de ata 7 días consecutivos.

4ª - PERÍODO DE GARANTÍAS

As garantías inicianse coa toma de efecto, unha vez finalizado o período de carencia e rematarán ás cero horas do día en que se cumpra un ano, contado desde a data de entrada en vigor do seguro e, en todo caso, coa venda, morte ou sacrificio non amparados.

As modificacións de capital vencerán o mesmo día no que se produza o vencemento da declaración de seguro inicial.

5ª - ELECCIÓN DE GARANTÍAS

As garantías elixidas polo gandeiro serán as mesmas, salvo imposibilidade, para todas as explotacións da súa propiedade e serán as que rexan durante todo o período de vixencia do contrato.

O asegurado poderá engadirle á contratación da garantía básica a contratación de garantías adicionais segundo se describe no anexo I.

- Deberá, dentro da garantía básica, se a súa cualificación de saneamento é T2 negativo e B2 negativo ou superior cualificación, escoller obrigatoriamente a garantía de saneamento básico.
- Ademais da garantía básica, poderá escoller as garantías adicionais que considere oportuno, segundo o réxime de manexo da explotación. Pero:
 - Para contratar a garantía de privación de acceso a pastos deberá tamén contratar o saneamento extra.
 - Para contratar a garantía de morte súbita deberá contratar a de enfermidades, a de accidentes individuais ou a de parto e cirurxía e ter bonificación.
 - A contratación da garantía de mortalidade por diversas causas é incompatible con todas as garantías adicionais, excepto a de saneamento extra, a de privación de acceso a pastos, a de diminución da prolificidade, a de morte de crías e a de mamite.

Esta garantía poderase elixir con franquía de danos do 30 % ou do 50 %.

- Para contratar a garantía de diminución da prolificidade, deberá tamén contratar a de morte de crías.
- As garantías de mamite e gromo de mamite son incompatibles entre si.
- As garantías de morte súbita e mortalidade por diversas causas son incompatibles entre si.

No caso de varias explotacións incluídas nunha póliza, a elección de garantías farase para a póliza (conxunto de explotacións).

Capítulo III: BENS ASEGURABLES

6ª - ÁMBITO DE APLICACIÓN

O ámbito de aplicación esténdese a todas as explotacións asegurables do territorio nacional.

Os animais asegurados están amparados en todo o ámbito de aplicación do seguro, tanto no domicilio da explotación como fóra dela, para o que poderá solicitarse acreditación mediante os documentos oficiais pertinentes.

Excepcionalmente, consideraranse dentro do ámbito do seguro as explotacións que, situadas en zonas de fronteira, tradicionalmente aproveitan pastos con límites fóra do territorio nacional. Os animais destas explotacións estarán cubertos aínda cando se atopen neses pastos.

7ª - TITULAR DO SEGURO

Poderá ser o titular do seguro quen figure no REGA como titular do código da explotación ou dunha subexplotación dese código REGA. Igualmente, poderá ser titular da póliza toda aquela persoa, física ou xurídica, que tendo interese no ben asegurable figure nalgún apartado do devandito código REGA ou no Rexistro Individual de Identificación Animal (RIIA).

No caso dos centros de reprodución e centros de testaxe, ademais poderá ser titular da póliza a asociación de criadores oficialmente recoñecida pola autoridade competente que desenvolva un programa de cría para a raza, sempre que se aseguren todos os animais e centros de reprodución e centros de testaxe onde se aloxen animais pertencentes a esa raza.

Se durante o período de vixencia da declaración de seguro cambiase o titular da explotación, poderáselle solicitar a Agroseguro a baixa da dita explotación, e realizarse o extorno da parte da prima non consumida. Neste caso, o novo titular poderá efectuar unha nova declaración de seguro.

8ª - EXPLOTACIÓNS ASEGURABLES

Serán asegurables todas as explotacións de gando vacún de reprodución e produción que:

- Están rexistradas no REGA, polo que teñen asignado un código, que deberá figurar na declaración de seguro.

- Identifican individualmente as súas reses vacúas e rexístranas no libro de rexistro de explotación, que deben manter actualizado e dilixenciado.

As explotacións que aseguren animais de alto valor xenético deberán:

- Cumprir a normativa zotécnica específica sobre selección e mellora xenética animal.
- Posuír certificación da asociación de criadores oficialmente recoñecida para a xestión do libro xenealóxico respectivo, que acredite o seguinte:
 - A inscrición dos animais no libro xenealóxico e rexistro no que se encontra.
 - A cualificación de cada un dos animais.
 - O valor xenético dos animais, se o houberse, con expresión da súa fiabilidade.
 - A participación da gandería nas actividades do Programa de mellora da raza, coa identificación individual dos animais participantes, excepto os centros de reprodución oficialmente autorizados que poden ter animais non participantes no programa de mellora.

Considerarase como domicilio da explotación o que figure no libro de rexistro de explotación, que deberá coincidir co do REGA.

As explotacións obxecto de aseguramento xestionadas por un mesmo gandeiro ou explotadas en común por entidades asociativas agrarias (sociedades agrarias de transformación, cooperativas etc.), sociedades mercantís (sociedade anónima, limitada etc.) e comunidades de bens deberán incluírse obrigatoriamente nunha única declaración de seguro.

Explotacións non asegurables:

- **Os matadoiros.**
- **As explotacións de autoconsumo.**
- **Os centros de ocio e ensino.**
- **Os centros de animais de experimentación.**
- **As explotacións de tratantes ou operadores comerciais.**
- **As explotacións de gando de lida.**
- **Núcleos zoolóxicos.**

RÉXIMES

Para os efectos do seguro, para o pagamento da prima considéranse os seguintes réximes:

- a) Réxime lácteo.
- b) Réximes cárnicos.
 - a. Réxime de devesa.
 - b. Réxime extensivo de fácil control.
 - c. Réxime extensivo de pastoreo estacional e difícil control.
- c) Réxime de produción de bois.
- d) Réxime de centros de recría de xovencas.
- e) Réxime de centros de reprodución e testaxe.

O réxime declarado polo asegurado é único para cada explotación e non poderá varialo durante o período de vixencia da póliza, salvo que se verifique en comprobación pericial que non é o correcto. Neste caso terá ata 5 días tras a comunicación para corrixilo. Tamén se poderá modificar cando se trate de explotacións de réxime lácteo que abandonen a produción de leite.

Para os efectos do seguro considéranse explotacións distintas as que teñen código REGA distinto, e dentro dun mesmo código as que aplican un réxime diferente a un grupo de animais, aínda que utilicen as mesmas instalacións, excepto para o réxime de recría de xovencas que aplicará un réxime por código REGA. Para as explotacións con animais de aptitude cárnica, deberase escoller un único réxime por código REGA, que será o correspondente aos animais produtivos.

GRUPOS DE RAZAS

Distínguense, para os efectos do seguro, os seguintes grupos de razas:

- Dentro das explotacións de réxime lácteo non se fai distinción de razas no seguro.
- Para o resto das explotacións
 1. Razas de excelente conformación I:

Cando polo menos o setenta por cento dos seus animais produtivos sexan das razas seguintes: asturiana dos vales, rubia galega, pirenaica, aberdeen angus, branco azul belga, blonda de Aquitania, charolesa e lemosina.

2. Razas de excelente conformación II:

Cando polo menos o setenta por cento dos seus animais produtivos pertenza ao grupo anterior ou a algunha das razas seguintes: aubrac, fleckvieh, gascoa, hereford, salers, shorthorn, wagyu, as mestizas que só teñan sangue destas razas ou do grupo anterior e outras razas foráneas non incluídas que, logo de consulta, acepte ENESA.

3. Razas especializadas: Unha explotación considerárase de raza especializada cando polo menos o setenta por cento dos seus animais produtivos pertenza a razas dos grupos anteriores ou a algunha das razas seguintes: albera, asturiana da montaña, avileña-negra ibérica (incluída a variedade bocibranca), bruna dos Pireneos, cachena, caldelá, frieiresa, limiá, morucha (incluída a variedade negra), parda alpina, parda de montaña, retinta, tudanca, alistana-sanabresa, vianesa e as razas estranxeiras de carne non incluídas no grupo anterior, as mestizas con sangue unicamente deste grupo e os anteriores e outras razas foráneas non incluídas que poidan ser aceptadas por ENESA.

Nos centros de reprodución e de testaxe poderá haber sementais dos grupos de razas de excelente conformación I, razas de excelente conformación II, razas especializadas, así como das seguintes razas ameazadas: alistana-sanabresa, berrenda en colorado, berrenda en negro, betizu, branca cacereña, canaria, cárdena andaluza, mallorquina, leonesa (*mantequera leonesa*), marismeña, menorquina, monchina, murciana-levantina, negra andaluza, pajuna, palmera, pallaresa, pasiega, sayaguesa, serrana negra, serrana de Teruel e terreña.

4. Raza resto:

As explotacións de réximes cárnicos e as explotacións de produción de bois cuxos animais non quedan incluídos nun dos grupos anteriores consideráranse, para os efectos do seguro, como de raza resto.

Os bisontes e os búfalos non se diferencian por razas para os efectos do seguro.

EXPLOTACIÓN DE RAZA PURA

Unha explotación poderá opcionalmente asegurarse como de raza pura cando polo menos o 70 % dos seus animais produtivos estean inscritos no libro xenealóxico correspondente da raza oficialmente recoñecida para iso. Admítense certificados zootécnicos expedidos polos organismos competentes dos terceiros países autorizados segundo a normativa en vigor.

EXPLOTACIÓN EN CONTROL LEITEIRO OFICIAL (CLO)

Unha explotación de réxime lácteo que cumpra os requisitos de raza pura poderá, opcionalmente, asegurarse como en control leiteiro oficial cando polo menos o 70 % das súas vacas estean sometidas a control leiteiro oficial, segundo a normativa vixente.

EXPLOTACIÓN DE ALTA VALORACIÓN XENÉTICA

Poderán asegurarse como explotacións de alta valoración xenética, no caso da raza frisoa, as explotacións con control leiteiro oficial consideradas pola Confederación de Asociacións de Frisona Española (CONAFE) como as mellores explotacións por índice combinado (ICO) na avaliación xenética anterior á entrada en vigor do seguro, cuxo ICO medio está situado entre os 300 mellores. No caso da raza parda, poderán asegurarse as explotacións con control leiteiro oficial cuxo índice combinado (ICO) na avaliación xenética anterior á entrada en vigor do seguro se atope dentro do 5 % mellor da raza, segundo o centro cualificado de xenética designado pola sociedade de criadores correspondente.

EXPLOTACIÓN DE ALTA PRODUCCIÓN

Poderán asegurarse como de alta produción as explotacións de aptitude láctea que teñan unha produción anual media por animal superior a 10.000 kg.

Ademais, as explotacións de alta produción cunha produción anual media por animal maior de 12.000 kg poderán asegurar os seus animais a un valor unitario superior.

Cálculo da produción de leite: Leite entregado nos 12 meses anteriores á contratación, dividido entre o número de crías rexistradas neses 12 meses, descontando a produción das vacas incluídas na explotación durante ese período, que non parisen nela.

EXPLOTACIÓN DE PRODUCCIÓN ECOLÓXICA

Poderán asegurarse opcionalmente como ganderías ecolóxicas as explotacións así rexistradas, segundo as normas vixentes. Deberán estar sometidas aos controis que as certifiquen como tales, efectuados pola autoridade ou organismo de control de agricultura ecolóxica oficialmente recoñecido pola comunidade autónoma onde estea a explotación, así como dispoñer do plan de xestión de alimentación do gando e dun libro de control sanitario debidamente actualizado e dilixenciado.

EXPLOTACIÓN INSCRITA NUNHA INDICACIÓN XEOGRÁFICA PROTEXIDA

Poderán asegurarse opcionalmente as explotacións amparadas baixo a denominación de calidade «indicación xeográfica protexida» (IXP) cuxo titular sexa un operador inscrito no rexistro dunha IXP con rexistro comunitario, e deberán estar sometidas aos controis de verificación do prego de condicións que as certifiquen como tales.

EXPLOTACIÓN CON LOGOTIPO DE RAZA AUTÓCTONA

Opcionalmente, poderán asegurarse as explotacións cuxo titular sexa un operador inscrito no rexistro de operadores autorizados para utilizar na súa raza o logotipo de «Raza autóctona» segundo a normativa vixente.

9ª - ANIMAIS ASEGURADOS

Requisitos necesarios para que un animal estea asegurado:

- Estar identificado individualmente a través do sistema de identificación e rexistro dos animais segundo a normativa vixente.

Quedan excluídos da obrigatoriedade de identificación os animais de ata nove meses que cumpran as condicións establecidas no artigo 13.3 do Regulamento de execución (UE) 2021/520 da Comisión, do 24 de marzo de 2021, polo que se establecen disposicións de aplicación do Regulamento (UE) 2016/429 do Parlamento Europeo e do Consello no que respecta á rastrexabilidade de determinados animais terrestres en cativeiro. As explotacións que se acollan a esta excepción deberán estar autorizadas pola autoridade competente.

- Constar nas bases de datos informatizadas do sistema de rexistros gandeiros (SITRAN) e estar inscrito no libro de rexistro de explotación, de acordo co establecido na normativa vixente.
- Para o gando vacún de alta valoración xenética, os animais asegurados deberán figurar debidamente inscritos, identificados individualmente e validados como animais pertencentes a explotacións colaboradoras nos programas de cría aprobados para cada raza e no certificado zootécnico, expedido por unha asociación de criadores oficialmente autorizada para a xestión do libro xenealóxico en cuestión (excepto os sementais en proceso de avaliación dos centros de reprodución), e deberon ser avaliados, ou estar en proceso de avaliación, de acordo co programa de cría oficialmente aprobado para a raza.

TIPOS DE ANIMAIS

Para os efectos do seguro, considéranse os seguintes tipo de animais:

B1) Animais produtivos

1. REPRODUTORAS: Femias iguais ou maiores de 17 meses en explotacións de réxime lácteo, ou iguais ou maiores de 22 meses en explotacións de réximes cárnicos, preñadas ou co sistema mamario desenvolvido.

As explotacións lácteas que posúan algún semental asegurarano como unha reprodutora máis.

2. REPRODUTORAS DE ALTO VALOR XENÉTICO: poderán asegurarse opcionalmente como tales:

- Nas explotacións de réxime lácteo: femias de raza frisoa ou parda, iguais ou maiores de 24 meses, segundo o seu documento de identificación bovina (DIB), cun índice combinado (ICO) situado nun percentil do 90 % ou superior da última avaliación xenética realizada por CONAFE ou polo centro cualificado de xenética designado pola sociedade de criadores correspondente, no momento da contratación do seguro. As femias entre 17 e 30 meses de idade que non tivesen a lactación necesaria para a obtención do dito ICO poderán asegurarse se dispoñen dun valor xenómico de ICO obtido a partir de análises xenéticas (SNP), situado nun percentil do 90 % ou superior, ou dun índice de pedigree de ICO situado nun percentil do 90 %, ambos calculados por CONAFE ou polo centro cualificado de xenética designado pola sociedade de criadores correspondente.
- Nas explotacións de réximes cárnicos: femias iguais ou maiores de 24 meses, segundo o seu documento de identificación bovina (DIB), que poidan acreditar un valor xenético para calquera dos caracteres avaliados no programa de cría correspondente a un percentil do 90 % ou ben unha cualificación morfolóxica igual ou superior a moi boa, sempre e cando en todos os casos sexa posible a constatación clínica de que se atopen en estado de xestación ou co sistema mamario desenvolvido. Para a acreditación do cumprimento dos requisitos relacionados co valor xenético, os animais deberán estar amparados mediante certificado zootécnico emitido pola sociedade de criadores de razas puras oficialmente recoñecida para a xestión do libro xenealóxico respectivo cos datos establecidos no modelo que se achega como anexo á Orde APA.

3. SEMENTAIS: Machos destinados á monta natural que presenten, como mínimo, a nivelación de dous dentes incisivos permanentes ou que teñan

polo menos 20 meses de idade. Deben ser manexados de acordo co seu fin e o seu número debe estar acorde coa dimensión da explotación.

4. SEMENTAIS CON CERTIFICADO ZOOTÉCNICO: Poderán opcionalmente asegurarse como tales os sementais de raza pura con certificado zootécnico emitido pola sociedade de criadores oficialmente recoñecida da raza á que pertenzan.
5. SEMENTAIS MELLORANTES: Machos que teñan proba positiva de descendencia, sexan iguais ou maiores de 60 meses de idade e estean localizados e depositados en centros de reprodución e centros de testaxe. A sociedade de criadores oficialmente recoñecida da raza da que se trate deberá ter coñecemento disto.

No caso da raza frisoa, serán os 50 mellores touros españois que a Confederación de Asociacións de Frisona Española (CONAFE) teña inscritos no último catálogo de sementais oficial da raza que estea publicado no momento da contratación.

No resto de razas deberán estar inscritos no Catálogo oficial de sementais da raza.

6. SEMENTAIS EN PROCESO DE AVALIACIÓN:
 - Sementais en proceso de avaliación xenética de aptitude láctea: Machos iguais ou maiores de 8 meses de idade que estean localizados e depositados en centros de reprodución e non conten con avaliación xenética de descendencia finalizada. Tal condición perderase, independentemente da idade, cando a sociedade de criadores oficialmente recoñecida considere concluída esta avaliación.
 - Sementais testados de aptitude cárnica: Machos iguais ou maiores de 12 meses de idade que finalizaron as probas en centros de testaxe con resultados positivos de acordo co recollido no programa de cría á que pertence, localizados e depositados en centros de reprodución e centros de testaxe.
7. BOIS ADULTOS: Machos castrados iguais ou maiores de 22 meses que pertencen a explotacións produtoras de bois.
8. XOVENCAS: Femias de centros de recría de polo menos 17 meses de idade e de 36 meses como idade límite, sempre que sexa posible a constatación clínica de que se atopen en estado de xestación (preñadas) ou co sistema mamario desenvolvido.

9. XOVENCAS DE ALTO VALOR XENÉTICO DE CENTROS DE RECRÍA DE ANIMAIS DE APTITUDE LÁCTEA:

Xovencas de alto valor xenético de centros de recría de animais de aptitude láctea: femias de raza frisoa ou parda, de centros de recría, de polo menos 17 meses de idade e de 36 meses como idade límite, sempre que sexa posible a constatación clínica de que se atopen en estado de xestación (preñadas) ou co sistema mamario desenvolvido, cun valor xenómico de ICO obtido a partir de análises xenéticas (SPN), situado nun percentil do 90 % ou superior, ou cun índice de pedigree de ICO situado nun percentil maior ou igual ao 90 %, ambos calculados por CONAFE ou polo centro cualificado de xenética designado pola sociedade de criadores correspondente.

Nos centros de recría, excepcionalmente, poderá haber femias que superen a idade de 36 meses.

B2) Animais non produtivos

10. RECRÍAS:

- Animais maiores de máis dun mes de idade, sen as características ou a idade dun animal produtivo.

11. RECRÍA DE ALTO VALOR XENÉTICO:

- Recrías de alto valor xenético de explotacións de réxime lácteo: femias de raza frisoa ou parda, maiores de 1 mes e menores de 17 meses, cun valor xenómico de ICO obtido a partir de análises xenéticas (SNP), situado nun percentil do 90 % ou superior, ou cun índice de pedigree de ICO situado nun percentil do 90 % ou superior, ambos calculados por CONAFE ou polo centro cualificado de xenética designado pola sociedade de criadores correspondente.
- Recrías de alto valor xenético de explotacións de réxime cárnico: animais maiores dun mes e menores de 24 meses que contén cun certificado zootécnico expedido pola sociedade de criadores oficialmente recoñecida para a xestión do libro xenealóxico da raza en cuestión que corrobore que se encontran inscritos no libro xenealóxico da raza e que son considerados como animais mellorantes con base nas esixencias establecidas no Programa de cría da raza en cuestión, ou ben que poidan acreditar un valor xenético para calquera dos caracteres avaliados no programa de cría correspondente a un percentil do 90 % ou superior. Para a acreditación do cumprimento dos requisitos relacionados co valor xenético, os animais deberán estar amparados

mediante o certificado zootécnico emitido pola sociedade de criadores de razas puras oficialmente recoñecida para a xestión do libro xenealóxico respectivo.

Os animais que estean aloxados temporalmente en centros de testaxe alleos á explotación asegurada deberán ser dados de alta nesta categoría con anterioridade ao seu traslado a estes centros.

12. BOIS NOVOS: Machos castrados de menos de 22 meses que pertencen a explotacións produtoras de bois.
13. BECERRAS: Femias de centros de recría de polo menos 2 meses de idade e sen as características dun animal adulto.
14. BECERRAS DE ALTO VALOR XENÉTICO DE CENTROS DE RECRÍA DE ANIMAIS DE APTITUDE LÁCTEA: femias de raza frisoa ou parda, de centros de recría de cando menos 2 meses de idade e sen as características dun animal adulto, cun valor xenómico de ICO obtido a partir de análises xenéticas (SNP), situado nun percentil do 90 % ou superior, ou cun índice de pedigree de ICO situado nun percentil do 90 % ou superior, ambos calculados por CONAFE ou polo centro cualificado de xenética designado pola sociedade de criadores correspondente.
15. RECRÍAS EN PROCESO DE AVALIACIÓN Animais de aptitude cárnica maiores de 5 meses e menores ou iguais a 17 meses de idade, incluídos nos programas de cría da raza, sometidos ás probas establecidas nos devanditos programas, localizados e depositados en centros de testaxe.
16. CRÍAS: Animais desde o parto a termo ata un mes de idade. Non deben declararse na póliza e só terán cobertura nas garantías de «riscos climáticos e outros riscos», «ataque de animais», «mortalidade masiva», «parto e cirurxía» e «crías», coas limitacións e exclusións establecidas en cada unha delas.

10ª - CLASE DE EXPLOTACIÓN

Para os efectos do establecido no artigo 4 do Regulamento, para a aplicación da Lei 87/1978 sobre seguros agrarios combinados, considéranse as seguintes clases de gando:

- Centros de reprodución e centros de testaxe.
- Resto de explotacións asegurables de gando vacún asegurables nesta liña.

O titular da explotación ou subexplotación que decida asegurar unha das súas explotacións queda obrigado a asegurar todas as da mesma clase que posúa no ámbito de aplicación deste seguro nunha única declaración de seguro.

Capítulo IV: CONDICIÓN DE ASEGURAMENTO

11ª - PERÍODO DE SUBSCRICIÓN

O tomador ou o asegurado deberá subscribir o seguro nos prazos establecidos polo Ministerio de Agricultura, Pesca e Alimentación.

Carecerá de validez e non producirá efecto ningún a declaración que fose subscrita fóra destes períodos.

12ª - VALOR UNITARIO

Para os efectos do seguro, o valor unitario para aplicarles aos animais asegurados, o valor do leite, o pagamento de prima e o importe de indemnizacións serán únicos por tipo de animais asegurables. Serán fixados polo asegurado dentro dos límites establecidos para estes efectos polo Ministerio de Agricultura, Pesca e Alimentación.

Todos os animais da explotación terán que asegurarse na mesma porcentaxe respecto do valor unitario máximo que para cada tipo establece ENESA.

13ª - NÚMERO DE ANIMAIS E PRODUCCIÓN DE LEITE

Ao subscribir o seguro, o asegurado declarará, co mínimo dos animais que nese momento posúa, o número de reses de cada tipo que habitualmente pertencen a cada unha das súas explotacións, tendo en conta os inscritos no libro de rexistro de explotación.

Para a garantía de perda de calidade do leite declarará o volume de leite en toneladas producido o ano anterior ou o que vaia producir no período de vixencia do seguro, e non se poderá variar no período de garantías.

14ª - BONIFICACIÓN E RECARGAS

Aplicarase unha bonificación ou unha recarga na prima, na contía e cos requisitos que se establecen a continuación.

I. GARANTÍA BÁSICA

Esta garantía non terá bonificación nin recarga.

II. GARANTÍAS ADICIONAIS

A cada asegurado aplicaráselle unha bonificación ou recarga considerando a información que se detalla a continuación, procedente da súa contratación no

seguro de explotación de gando vacún de reprodución e produción dos últimos catro plans:

- Primas de risco recargadas netas de reaseguro do Consorcio de todas as coberturas contratadas, excepto a de retirada e destrución.
- Indemnizacións correspondentes a todas as coberturas contratadas, excepto a de retirada e destrución.
- I/Prr (%): cociente entre as indemnizacións a respecto das primas de risco recargadas netas de reaseguro do Consorcio, especificadas nos dous apartados anteriores.
- En función dos plans contratados aplicarase unha bonificación ou recarga, segundo se especifica a continuación:

Plans contratados				Bonificacións e recargas
Último	Penúltimo	Penúltimo menos un	Penúltimo menos dous	
Si	Si	Indiferente	Indiferente	Táboa I
Si	Non	Si	Indiferente	
Si	Non	Non	Si	
Si	Non	Non	Non	Táboa II
Non	Si	Indiferente	Indiferente	Manténselles a medida obtida tras o último plan contratado
Non	Non	Si	Indiferente	
Non	Non	Non	Indiferente	Neutros: non se aplicarán bonificación nin recarga

TÁBOA I

Bonificación ou recarga asignada ao plan anterior	I/Prr (%)							
	≤ 30 %	> 30 % a 50 %	> 50 % a 65 %	> 65 % a 85 %	> 85 % a 105 %	> 105 % a 120 %	> 120 % a 150 %	>150 %
- 50 %	- 50 %	- 50 %	- 50 %	- 50 %	- 40 %	- 30 %	- 20 %	- 10 %
- 40 %	- 50 %	- 50 %	- 50 %	- 40 %	- 30 %	- 20 %	- 10 %	0 %
- 30 %	- 50 %	- 50 %	- 40 %	- 30 %	- 20 %	- 10 %	0 %	0 %
- 20 %	- 40 %	- 40 %	- 30 %	- 20 %	- 10 %	0 %	+ 10 %	+ 20 %
- 10 %	- 30 %	- 30 %	- 20 %	- 10 %	0 %	+ 10 %	+ 20 %	+ 30 %
0 %	- 20 %	- 20 %	- 10 %	0 %	+ 10 %	+ 20 %	+ 30 %	+ 50 %
+ 10 %	- 10 %	- 10 %	0 %	+ 10 %	+ 20 %	+ 30 %	+ 50 %	+ 75 %
+ 20 %	0 %	0 %	+ 10 %	+ 20 %	+ 30 %	+ 50 %	+ 75 %	+ 100 %
+ 30 %	0 %	+ 10 %	+ 20 %	+ 30 %	+ 50 %	+ 75 %	+ 100 %	+ 150 %
+ 50 %	+ 10 %	+ 20 %	+ 30 %	+ 50 %	+ 75 %	+ 100 %	+ 150 %	+ 150 %
+ 75 %	+ 20 %	+ 30 %	+ 50 %	+ 75 %	+ 100 %	+ 150 %	+ 150 %	+ 150 %
+ 100 %	+ 30 %	+ 50 %	+ 75 %	+ 100 %	+ 150 %	+ 150 %	+ 150 %	+ 150 %
+ 150 %	+ 50 %	+ 75 %	+ 100 %	+ 150 %	+ 150 %	+ 150 %	+ 150 %	+ 150 %

Os valores negativos corresponden a bonificacións e os positivos a recargas.

A ratio de I/Prr (%) calcularase a partir de:

- Primas de risco recargadas netas de reaseguro do Consorcio do último plan.
- Indemnizacións correspondentes a sinistros ocorridos nos 8 primeiros meses desde a entrada en vigor da declaración de seguro do último plan, máis as indemnizacións correspondentes a sinistros ocorridos nos 4 meses antes do vencemento da póliza do plan anterior que se contratou, máis as diferenzas de indemnizacións desde o plan penúltimo menos dous que non fosen incluídas no cálculo da ratio do plan anterior.

TÁBOA II

I/Prr (%)							
≤ 30 %	> 30 % α 50 %	> 50 % α 65 %	> 65 % α 85 %	> 85 % α 105 %	> 105 % α 120 %	> 120 % α 150 %	>150 %
- 20 %	- 10 %	0 %	0 %	+ 20 %	+ 30 %	+ 50 %	+ 50 %

Os valores negativos corresponden a bonificacións e os positivos, a recargas.

A ratio de I/Prr (%) calcularase a partir de:

- Primas de risco recargadas netas de reaseguro do Consorcio no último plan, tomando 8/12 da dita prima.
- Indemnizacións correspondentes a sinistros ocorridos nos 8 primeiros meses desde a entrada en vigor da declaración de seguro do último plan.

III. BONIFICACIÓNS E RECARGAS CANDO UNHA EXPLOTACIÓN CAMBIA DE TITULAR

Cando se incorpore á declaración de seguro unha explotación asegurada anteriormente por outro titular, terase en conta a súa historia para o cálculo da bonificación ou recarga. O asegurado comunicarlle a Agroseguro este cambio e Agroseguro calculará a bonificación ou recarga; se o asegurado non o comunicase, Agroseguro aplicará este cambio no momento en que o detecte.

15ª - CONDICIÓN TÉCNICAS MÍNIMAS DE EXPLOTACIÓN E MANEXO

Serán as que estableza o Ministerio de Agricultura, Pesca e Alimentación, ademais das que regulen os programas nacionais de erradicación de enfermidades dos animais, así como as de protección dos animais e calquera outra norma sanitaria estatal ou autonómica vixente que lle afecte ás enfermidades cubertas polo seguro.

No caso de deficiencia no cumprimento das condicións técnicas mínimas de explotación e manexo, o asegurador poderá reducir a indemnización en proporción á importancia dos danos que dela deriven e ao grao de culpa do asegurado.

No caso do incumprimento grave das condicións técnicas mínimas de explotación e manexo, o asegurado incorrerá en causa de suspensión de garantías, o que suporá a perda do dereito a indemnizacións para a súa explotación mentres non se corrixan esas deficiencias.

Do mesmo xeito, se o asegurado impide o acceso á explotación ou á documentación precisa para a comprobación pericial do cumprimento das condicións técnicas mínimas, perderá o dereito ás indemnizacións da explotación afectada mentres non se verifique o seu cumprimento.

A reiteración de sinistros por unha mesma causa implicará a adopción das medidas de manexo necesarias para previr o seu acontecemento. Agroseguro comunicará a perda do dereito ás indemnizacións da explotación afectada se, unha vez notificadas, o asegurado non procede á súa inmediata aplicación.

16.^a – PAGAMENTO DA PRIMA

1. SEGURO NON RENOVABLE

Unha vez realizada a declaración de seguro no período de subscrición establecido, pagarase a prima única, que poderase efectuarse ao contado ou fraccionado.

A) PAGAMENTO AO CONTADO

A1) Pagamento por domiciliación bancaria

O pagamento realizarase mediante a domiciliación bancaria na conta especificada na declaración de seguro.

Será nula e non terá efecto ningún a declaración de seguro que se reciba en Agroseguro fóra do período de subscrición establecido, así como aqueloutra da que, aínda recibida dentro do devandito prazo, non poida realizarse o cobramento íntegro da prima.

Aquelas declaracións de seguro que se subscriban no último día do período de subscrición consideraranse válidas se se reciben en Agroseguro ata o seguinte día hábil ao da finalización do dito período.

Cando se produzan modificacións na declaración de seguro que supoñan unha regularización da prima, Agroseguro aboará ou cargará o importe correspondente á devandita regularización, segundo proceda, na conta bancaria especificada para o pagamento da prima na declaración de seguro.

Estas modificacións serán nulas e non terán ningún efecto se o importe íntegro da regularización non foi pagado, polo que en caso de sinistro tales modificacións non se terán en conta á hora de calcular a correspondente indemnización.

A2) Pagamento por transferencia bancaria

Excepcionalmente, poderase realizar o pagamento mediante transferencia bancaria a favor de Agroseguro en calquera das contas que esta designe para iso,

sempre que na propia transferencia quede identificado o número de póliza, o NIF do asegurado e o código da liña de seguro.

De non figurar algún dos conceptos anteriores, ou se existise unha diferenza entre o importe da prima para pagar e o importe aboado na transferencia, a contratación será nula e devolverase o importe da transferencia á conta de orixe. A declaración de seguro non terá efecto ningún.

O pagamento deberá realizarse no período de subscrición establecido e admitirase, para aquelas declaracións de seguro que se formalicen o último día do período de subscrición, o seguinte día hábil ao da finalización do devandito período.

A data do pagamento será a que figure no xustificante bancario como data de transferencia. Cando lle sexa requirido, deberáselle remitir a Agroseguro a copia do xustificante.

Será nula e non producirá efecto ningún a declaración de seguro cuxa prima non fose pagada na forma e prazos establecidos.

Cando se produzan modificacións na declaración de seguro que supoñan unha regularización da prima, Agroseguro aboará o importe correspondente á devandita regularización na conta do tomador ou, no caso de cargo, o tomador do seguro deberá realizar o pagamento mediante transferencia bancaria a favor de Agroseguro na conta especificada para iso.

Estas modificacións serán nulas e non terán ningún efecto se o importe íntegro da regularización non foi pagado, polo que en caso de sinistro tales modificacións non se terán en conta á hora de calcular a correspondente indemnización.

B) PAGAMENTO FRACCIONADO

Poderase acceder a esta forma de pagamento cando no momento de subscribir a declaración de seguro se cumpran os dous seguintes requisitos:

- O seguro debe ter, no momento da contratación, un custo a cargo do tomador superior ao importe mínimo que establece a Sociedade Anónima

Estatad de Caución Agraria (SAECA) para poder conceder un aval polas cantidades aprazadas.

- O asegurado debe ter contratado o correspondente aval afianzado de SAECA por unha contía que debe cubrir, polo menos, o importe da seguintes fraccións.

O pagamento da prima única realizarase en fraccións, segundo se especifica a continuación:

- 1) Primeira fracción: corresponderase polo menos coa contía ou porcentaxe, establecida por SAECA no momento da contratación, do importe do custo do seguro a cargo do tomador, máis o total da contía que corresponda polo fraccionamento e o aval, que serán aboados no mesmo momento da subscrición do seguro.

O pagamento desta primeira fracción realizarase da mesma forma establecida para o pagamento ao contado.

No caso de que o aval afianzado non acadase o total das seguintes fraccións, o exceso por enriba do importe avalado deberá ser aboadado na primeira fracción; de non ser así, entenderase que a primeira fracción non foi aboada e, polo tanto, non terá efecto o pagamento nin a declaración de seguro, que será nula.

- 2) Seguintes fraccións: corresponderanse co resto do importe do custo do seguro a cargo do tomador non aboadado na primeira fracción, que será pagado mediante recibo que se presentará para cobramento nos prazos previstos na declaración de seguro.

O cobramento realizarase mediante a domiciliación bancaria na conta do asegurado especificada para o pagamento da prima na declaración de seguro.

As seguintes fraccións entenderanse satisfeitas na data de emisión do recibo correspondente, salvo que, tentado o cobramento, se producise a devolución do recibo.

No caso de non satisfacerse algunha das seguintes fraccións, Agroseguro notificaralle por escrito ao asegurado a falta de pagamento. No caso de non producirse este pagamento, pasado un mes do vencemento, Agroseguro iniciará os trámites con SAECA co fin de executar o correspondente aval.

Cando se produzan modificacións na declaración de seguro que supoñan unha regularización das primas, Agroseguro cargará o importe correspondente a esta regularización na conta bancaria do asegurado especificada para o pagamento da

prima na declaración de seguro. En caso de aboamento, reducirase a contía das seguintes fraccións.

Estas modificacións serán nulas e non terán ningún efecto se o importe íntegro da regularización non foi pagado, polo que en caso de sinistro tales modificacións non se terán en conta á hora de calcular a correspondente indemnización.

2. SEGURO RENOVABLE

2.1. PRIMEIRA PRIMA

O pagamento poderá realizarse ao contado ou fraccionado, e será de aplicación todo o establecido para o seguro non renovable, pero realizando todos os pagamentos mediante domiciliación bancaria na conta especificada para o pagamento da prima na declaración de seguro.

2.2. PRIMAS SUCESIVAS

A prima dos períodos sucesivos será a que resulte de aplicarlle ao capital asegurado as tarifas que se establezan en cada plan de seguros, fundadas en criterios técnico-actuariais, establecidos en cada momento por Agroseguro, tendo en conta, ademais, as modificacións de garantías e as modificacións no valor dos bens asegurados.

Agroseguro, cando menos con 2 meses de antelación ao vencemento do contrato, notificaralles ao tomador e ao asegurado a prima para cada novo período de cobertura, e comunicará a data de presentación ao cobramento do recibo correspondente na conta bancaria especificada para o pagamento da prima na declaración de seguro.

O pagamento da prima única realizarase ao contado ou de forma fraccionada e será de aplicación o establecido para o seguro non renovable, pero realizando todos os pagamentos mediante domiciliación bancaria na conta especificada para o pagamento da prima na declaración de seguro. Aplicaranse, ademais, os seguintes aspectos segundo a forma de pagamento elixida:

A) PAGAMENTO AO CONTADO POR DOMICILIACIÓN BANCARIA

O pagamento das sucesivas primas farase cando venza a anualidade anterior e Agroseguro cobrará mediante domiciliación bancaria na conta especificada para o pagamento da prima na declaración de seguro.

No caso de falta de pagamento dunha das primas sucesivas, o contrato queda resolto un mes despois do día de vencemento da anualidade anterior e Agroseguro notificaralles esta circunstancia ao tomador e ao asegurado.

B) PAGAMENTO FRACCIONADO POR DOMICILIACIÓN BANCARIA

Primeira fracción: o pagamento da primeira das fraccións das sucesivas primas farase cando venza a anualidade anterior e Agroseguro cobrará mediante domiciliación bancaria na conta especificada para o pagamento da prima na declaración de seguro.

No caso de falta de pagamento da primeira das fraccións da prima sucesiva, o contrato queda resolto un mes despois do día de vencemento da anualidade anterior, e Agroseguro notificaralles esta circunstancia ao tomador e ao asegurado.

Seguintes fraccións: presentaranse ao cobramento mediante domiciliación bancaria na conta especificada para o pagamento da prima e nos prazos previstos na declaración de seguro.

No caso de non satisfacerse algunha das seguintes fraccións, Agroseguro notificaralle por escrito ao asegurado a falta de pagamento. No caso de non producirse este pagamento, pasado un mes do vencemento, Agroseguro iniciará os trámites con SAECA co fin de executar o correspondente aval.

17ª - ENTRADA EN VIGOR

A entrada en vigor do seguro dependerá da modalidade de pagamento elixida:

- 1) Pagamento por domiciliación bancaria: o seguro entrará en vigor ás cero horas do día seguinte ao día da recepción da declaración de seguro en Agroseguro.
- 2) Pagamento por transferencia bancaria: o seguro entrará en vigor ás cero horas do día seguinte ao día en que se pague a prima do seguro e sempre que se formalizase a declaración de seguro.

Se o asegurado volve contratar ou renova o seguro nos dez días anteriores ou posteriores ao vencemento da declaración de seguro anterior, a data de entrada en vigor coincidirá coa da declaración de seguro vencida, pero cunha anualidade máis.

18ª - PERÍODO DE CARENIA

Para todos os riscos establécese un período de carencia en días completos, contados desde as cero horas do día de entrada en vigor do seguro, de:

1. 7 días: Para os riscos de morte ou sacrificio e comiso por EEB, climáticos, ataque de animais, mortalidade masiva e perda de animais produtivos da

garantía básica, e as garantías adicionais de accidentes individuais, meteorismo agudo e perda de calidade do leite.

2. 21 días: Para os riscos relativos a febre aftosa e as garantías adicionais de morte por síndrome respiratoria bovina, gromo de mamite e mortalidade por diversas causas.
3. 60 días: Para o saneamento básico, o saneamento extra e a privación de acceso a pastos.
4. Sen carencia: A garantía adicional de diminución da prolificidade.
5. 15 días: 15 días para o resto de riscos.

Os animais non nados na explotación e incluídos nela ao longo da vixencia do seguro estarán sometidos aos períodos de carencia citados, contados para os riscos cubertos na garantía básica (con excepción do ataque de animais) desde as cero horas do día de entrada en vigor do seguro e, para o resto de riscos, desde o día da súa correcta inscrición no libro de rexistro de explotación, acreditada coa documentación oficial.

Os animais nados na explotación durante o período de vixencia do contrato non estarán sometidos a carencia a partir da toma de efecto do seguro.

As explotacións das pólizas con modalidade non renovable ou renovable na primeira anualidade que contraten este seguro nos 10 días anteriores ou posteriores ao vencemento da póliza anterior, ou as pólizas en modalidade renovable en sucesivas anualidades, só terán carencia para as coberturas non incluídas na póliza anterior. De contratar co plan anterior o saneamento básico, pero non o saneamento adicional, se neste plan contratan o saneamento adicional, non terán carencia para esta garantía.

Os animais dos centros de recría, procedentes dunha explotación con seguro de explotación de gando vacún de reprodución e produción vixente, non estarán sometidos aos períodos de carencia dos riscos contratados que xa pasasen na explotación de orixe. Da mesma maneira, os animais dunha explotación procedentes de centros de recría con seguro de explotación de gando vacún de reprodución e produción vixente non estarán sometidos aos períodos de carencia dos riscos contratados que xa pasasen no centro de recría.

Os animais que se incorporen á explotación ao longo da vixencia do seguro estarán cubertos a partir das cero horas do día seguinte a aquel en que se comunique a súa introdución, data que Agroseguro poderá contrastar coa documentación oficial que o titular está obrigado a manter.

Se ao longo da vixencia dunha declaración de seguro se inclúe nesta unha nova explotación, estará sometida ás carencias previstas.

Consideraranse independentemente as carencias para as declaracións de seguro dun mesmo titular, correspondentes a diferentes clases de explotación.

19ª - CAPITAL ASEGURADO

O capital asegurado da explotación fíxase no 100 % do valor asegurado da explotación.

Para a garantía de perda de calidade do leite, o valor asegurado será o produto da cantidade de toneladas aseguradas polo valor elixido polo asegurado.

MODIFICACIÓNS DO CAPITAL ASEGURADO

MODIFICACIÓNS DE CAPITAL POR ALTA DE ANIMAIS

O asegurado deberá modificar o capital asegurado cando:

- Se consuma o capital asegurado.
- Se produza a morte ou un sacrificio obrigatorio indemnizado de todos os animais da explotación.
- O infraseguro sexa superior ao 7 %.

Nas modificacións de capital declarado non poderán modificarse as garantías contratadas na declaración de seguro inicial.

As modificacións por alta de animais que se realicen no período en que exista unha situación que determine a adopción de medidas sanitarias de calquera nivel por parte da autoridade non se terán en conta para sinistros debidos a esa situación. Neste caso, o número de animais para considerar como asegurados será o que tivese no momento previo á adopción de medidas.

MODIFICACIÓNS DE CAPITAL POR BAIXA DE ANIMAIS

Nos casos de sobreseguro superior ao 7 % pola venda, morte ou sacrificios non amparados polo seguro, o asegurado poderá solicitar a devolución da prima comercial correspondente ao capital dos animais que causen baixa.

A prima comercial que se devolverá será a que corresponda ao período comprendido entre a comunicación da modificación por baixa e o vencemento da póliza.

PARA TODAS AS MODIFICACIÓNS DE CAPITAL ASEGURADO:

A toma de efecto das modificacións de capital asegurado será a data da súa recepción en Agroseguro.

20ª - OBRIGAS DO TOMADOR OU DO ASEGURADO

Ademais do establecido na condición xeral sétima, o tomador do seguro e asegurado están obrigados a:

- Ao contratar o seguro deberán declarar a cualificación de saneamento gandeiro en vigor da explotación.

Cando a proba se inicie ata 10 días antes da data de pagamento do seguro (ou a de recepción nas pólizas domiciliadas) poderase actualizar a cualificación sanitaria declarada, ata 20 días despois, para adecuala á nova situación.

As explotacións que, no momento de subscribir o seguro por primeira vez ou por renovación no prazo estipulado, teñan a cualificación T3 (inclúe T3H), pero estean sometidas a probas de intradermotuberculización (IDTB) ou de gamma-interferón EURLAB no marco do Programa nacional de erradicación de tuberculose bovina, se tras 72 horas do inicio das probas de IDTB no último animal examinado ou tras a recepción do resultado de gamma interferón do laboratorio oficial non se pechou a actuación, serán consideradas exclusivamente para os efectos do seguro como TS.

- Deberán facilitar unha copia da folla de campo e certificado da data de inicio e data fin da actuación da campaña de saneamento na súa explotación, cando así llo solicite Agroseguro.
- **Constatado un infraseguro superior ao 7 %, á indemnización dos animais sinistrados aplicaráselle unha redución por regra proporcional.**

Se o infraseguro é superior ao 20 %, Agroseguro suspenderá as garantías. As garantías non volverán tomar efecto ata que se actualice o valor declarado das explotacións incluídas na declaración, o que se lle comunicará a Agroseguro.

Agroseguro emitirá o recibo da prima correspondente ao período comprendido entre a entrada en vigor da modificación e o vencemento da póliza.

- O titular do seguro deberá notificarlle á autoridade competente do REGA e do RIIA da súa comunidade autónoma todos os cambios ou modificacións

que fosen necesarios para unha correcta identificación da explotación, do titular e dos bens asegurables.

- Manter actualizado o Libro de Rexistro de Explotación, seguindo o disposto na normativa vixente. Os defectos graves na identificación e inscrición das reses suporán a perda do dereito a indemnización polos sinistros que se produzan ata que se actualice o libro de rexistro de explotación e se emenden eses defectos.
- Cando un animal asegurado teña que ser peritado no matadoiro, deberánselle comunicar cunha antelación superior a 48 horas a Agroseguro, polo menos, os seguintes datos:
 - Nome do asegurado.
 - Número de referencia do seguro.
 - Identificación do animal, segundo figura no libro de rexistro de explotación.
 - Nome e enderezo completo do matadoiro no que se vai sacrificar.
 - Día e hora previstos para o sacrificio.
- Permitirlles a Agroseguro e aos técnicos por ela designados a inspección en todo momento dos bens asegurados, e facilitarlles a entrada nas instalacións das explotacións aseguradas e o acceso á documentación que teña no seu poder en relación con estas, en especial:
 - O libro de rexistro de explotación, o documento de identificación de bovinos (DIB), os datos do SITRAN, así como documentos adicionais sobre traslados, compras, vendas e sacrificios de animais en matadoiro e as súas certificacións.
 - O certificado oficial veterinario, ou informe veterinario, expedido polo facultativo implicado no proceso de que se trate. Os gastos orixinados por este motivo corren a cargo do asegurado.
- No caso das garantías de saneamento básico, saneamento gandeiro extra, privación de acceso a pasteiros, EEB e febre aftosa, a documentación oficial expedida para o efecto que acredite o cumprimento dos requisitos recollidos nestas garantías.
- Cando se produza un sinistro debido á febre aftosa deberá, ademais, achegar a documentación oficial necesaria para comprobar, de ser o caso:
 - O número de animais sacrificados obrigatoriamente por parte da autoridade.

- O tempo de inmovilización da explotación.
- No caso do comiso de animais no matadoiro como consecuencia directa ou indirecta dun resultado positivo de EEB, deberán achegar un certificado oficial veterinario do matadoiro no que se reflectirá o motivo do comiso e a identificación dos animais afectados.
- Comunicar todas as circunstancias e incidencias danosas susceptibles de agravar o risco.
- **Nos sinistros por presenza de inhibidores no leite esixirase un documento xustificante da prescrición veterinaria do antibiótico, de acordo coas obrigas que establece a lexislación vixente na materia.**

O incumprimento das obrigas previstas, cando impida a adecuada valoración do risco ou das circunstancias e consecuencias do sinistro, suporá a perda do dereito á indemnización que lle puidese corresponder ao asegurado.

Capítulo V: SINISTRO E INDEMNIZACIÓN

21ª - COMUNICACIÓN DE SINISTROS

I. SINISTROS DE SANEAMIENTO BÁSICO OU EXTRA

O tomador ou o asegurado deberá comunicar a Agroseguro, no prazo de 24 horas, a existencia de calquera resultado positivo a saneamento.

II. SINISTROS DE GROMO DE MAMITE

O tomador ou o asegurado poderán comunicar a aparición dun gromo de mamite cando se atope afectado o número mínimo de animais considerado nesta garantía.

III. RESTO DE GARANTÍAS

No caso de sinistro, o tomador do seguro, asegurado ou beneficiario deberá comunicarllo a Agroseguro no prazo de 24 horas, mediante comunicación telefónica, aplicación móbil ou a través da web.

Indicaranse, como mínimo, os seguintes datos:

- NIF do asegurado.
- Nome e apelidos do asegurado.
- Número de referencia da declaración de seguro individual ou aplicación.
- Número de identificación do animal.
- Lugar do sinistro.
- O momento no que comezou a causa que o orixina.
- Causa do sinistro.
- Número de teléfono de contacto para a peritaxe.

Así mesmo, deberá tomar todas as medidas necesarias para conservar o animal ou os seus restos, de forma que este estea á disposición de Agroseguro durante polo menos as 72 horas seguintes á notificación, para unha eventual necropsia.

Cando un animal asegurado teña que ser peritado no matadoiro, deberánselle comunicar cunha antelación superior a 48 horas a Agroseguro, polo menos, os seguintes datos:

- Nome do asegurado.
- Número de referencia do seguro.

- Identificación do animal, segundo figura no libro de rexistro de explotación.
- Nome e enderezo completo do matadoiro no que se vai sacrificar.
- Día e hora previstos para o sacrificio.

22ª - INSPECCIÓN DE DANOS

Unha vez comunicada a ocorrencia dun sinistro polo tomador do seguro ou asegurado, na forma e prazos establecidos na condición especial 21.ª, Agroseguro realizará a inspección e a valoración dos danos no prazo de 72 horas, contadas desde o momento da comunicación.

23ª - VALORACIÓN DE DANOS

A taxación dos sinistros efectuarase de acordo coa «Norma sectorial de peritaxe de danos nas producións gandeiras con rexistro individual obrigatorio» e coa «Norma xeral de peritaxe dos danos ocasionados nas producións gandeiras».

CÁLCULO DO VALOR BASE

1. Para os riscos: Perda de produción polas obrigas de corentena por febre aftosa, EEB, climáticos, ataque de animais, mortalidade masiva, accidentes individuais, nai en parto, mamite, enfermidades, SRB, meteorismo agudo, carbúnculo e enterotoxemia, morte súbita, sacrificio por gromo de mamite clínica, mortalidade por diversas causas e sacrificios por saneamento gandeiro básico e saneamento gandeiro extra, calcularanse mediante os seguintes pasos:

- 1º. **Valor unitario declarado:** Valor elixido polo asegurado entre o máximo e o mínimo que propón ENESA conforme a especie, grupo de raza, tipo de animal e características da explotación.
- 2º. **Valor unitario acreditado:** Valor unitario máximo ao que se poderían asegurar os animais da explotación, xustificado documentalmente polo asegurado.
- 3º. **Valor unitario base:** O menor de entre o valor unitario declarado e o valor unitario acreditado.
- 4º. **Valor límite máximo indemnizable:** obtense de multiplicar o valor unitario base pola porcentaxe límite máxima de indemnización que se indica nos anexos, en función da garantía, aptitude, réxime, grupo de raza, idade e tipo de animal.

Para os riscos de saneamento base e saneamento extra, o 90 % do valor límite máximo indemnizable corresponde ao sacrificio obrigatorio mentres que o 10 % á perda de cualificación. En ambas as garantías a idade do animal que se valorará será a que teña no momento en que se decrete o seu sacrificio.

5°. **Valor base:** obtense do valor límite máximo indemnizable restándolle, cando corresponda, a depreciación que pertenza.

2. Morte de crías

O valor base das crías, incluídas as que concorran con morte da nai no parto, calcularase da forma seguinte:

En explotacións de réxime lácteo:

- O valor límite máximo para os efectos de indemnización será o 12 % da media ponderada do valor unitario base das reprodutoras, ata que o número de crías indemnizadas supere o 4 % do número de reprodutoras da explotación. A partir dese momento o valor límite máximo para os efectos de indemnización será o 5 % da media ponderada do valor unitario base das reprodutoras.

En explotacións de réximes cárnicos:

- O valor límite máximo para os efectos de indemnización será o 25 % da media ponderada do valor unitario base das reprodutoras.

3. Perda de produción polos animais produtivos incluídos nun sinistro de morte masiva

O valor base calcularase segundo o réxime da explotación:

- Explotacións de réxime lácteo e centros de reprodución: Número de animais produtivos mortos multiplicado polo seu valor unitario base e por 0,45.
- Explotacións de réximes cárnicos: Número de animais produtivos mortos multiplicado polo seu valor unitario base e por 0,2.

4. Perda de produción por gromo de mamite clínica

Calcularase o valor base por cada vaca afectada segundo os días de lactación que lle restan desde o momento en que se constate que está afectada polo gromo, ata 300 días de lactación, de forma diferente segundo que o animal se sacrifique ou non, como se reflicte na táboa correspondente do anexo V.

5. Inmobilización e período de restitución

O valor base calcularase considerando as táboas do anexo IV:

- Por saneamento gandeiro extra:

- Explotacións de réxime lácteo: O número de animais produtivos sacrificados multiplicado polo seu valor unitario base, por 2,65 % e por cada semana (17 semanas máximo).
- Explotacións de réximes cárnicos: O número de animais produtivos sacrificados multiplicado polo seu valor unitario base, por 1,12 % e por cada semana (17 semanas máximo).
- Por privación de acceso a pasteiros:
 - Número de animais produtivos presentes na explotación multiplicado polo seu valor unitario base, por 0,4 % e por número de semanas (10 semanas máximo).
 - Número de animais non produtivos presentes na explotación multiplicado polo seu valor unitario base, por 0,4 % e por número de semanas (10 semanas máximo).
- Por febre aftosa:
 - Número de animais produtivos por 9 € e por cada semana, cun máximo de 17 semanas por todo o período de vixencia da póliza.
 - Número de animais non produtivos por 4 € e por cada semana, cun máximo de 17 semanas por todo o período de vixencia da póliza.

6. Comisos en matadoiro por EEB

Calcúlase o valor base como o produto do número de animais, ou os seus canais, comisados por 255 €.

7. Perda de calidade do leite

- a. Aumento de células somáticas: Calcularase o valor base multiplicando a cifra menor de entre o leite producido, o mes no que se produza o sinistro, ou a produción anual contratada dividida entre 12 e expresada en miles, polos euros/cada mil litros que corresponda ao cambio de estrato, reflectido na táboa correspondente do anexo V.
- b. Contaminación por aflatoxinas ou por inhibidores: Calcularase o valor base multiplicando a cantidade de leite destruído por esta causa pola cifra menor entre o valor declarado polo asegurado para o leite e o valor ao que o entregou á industria no mes anterior ao sinistro. Ao valor base sumaráselle o custo de destrución dese leite, que se obtén multiplicando os litros de leite destruído por un máximo de 25,2 céntimos/litro.

En ambos os casos, se o valor unitario escollido para o leite non é o máximo, á cantidade que resulte aplicaráselle unha redución na mesma proporción que a que existe entre o valor escollido e o valor máximo. Tamén se aplicará

a regra proporcional cando a produción de leite asegurado, rateada para ese período, sexa inferior ao producido.

8. Diminución da prolificidade

Calcúlase a prolificidade do período de 36 meses anterior á contratación do seguro e a do período de garantía. Para iso considérase:

- As crías nadas na explotación e inscritas no REGA en ambos os períodos.
- Os censos de reprodutoras como a media mensual de ambos os períodos.
- A prolificidade de ambos os períodos como a porcentaxe obtida ao dividir as crías nadas e inscritas en cada período entre os censos de reprodutoras de cada período.

Se a prolificidade do período de garantía é inferior en máis dun 15 % á do período anterior (sinistro), multiplícase a porcentaxe de prolificidade do período previo á contratación polo censo medio mensual do período de garantía. Á cifra obtida réstanselle as crías nadas e inscritas no período de garantía. A cifra que se obtén multiplícase polo 25 % do valor unitario base medio ao que aseguraron as reprodutoras e obtense así o valor base.

24ª - SINISTRO INDEMNIZABLE

Establécense os seguintes mínimos indemnizables e requisitos de indemnización para os riscos:

Febre aftosa

- Inmobilización:

Para que un sinistro sexa considerado indemnizable debe cumprir os seguintes requisitos:

- A explotación debe permanecer inmovilizada polo menos 21 días.
- Deberá acreditar documentalmente que a inmovilización sanitaria da explotación está rexistrada no REGA.
- Deberá achegar a declaración da autoridade competente onde se especifique que a explotación queda inmovilizada e o día en que comezan:

Saída de animais para outras explotacións.

Saída dos animais para o matadoiro.

- Perda de produción por obrigas de corentena:

Para o pagamento dos sinistros será necesario que o asegurado achegue na declaración de sinistro a documentación onde se ordena o sacrificio obrigatorio por motivos cautelares ou preventivos relacionados con febre aftosa.

EEB

Para a percepción da indemnización, o asegurado, ou o seu tomador, deberá remitirle a Agroseguro a documentación expedida pola autoridade que acredite que, debido a esta enfermidade, se produce a obriga de sacrificio, ou que foi a causa da morte ou o motivo de comiso.

Saneamentos básico e extra

Cando se realizase o sacrificio dos animais deberásele remitir a Agroseguro a seguinte documentación:

- A copia do documento emitido pola autoridade, acreditativo do dereito a indemnización por sacrificio.
- A documentación oficial da cualificación sanitaria na data en que realizou a contratación do seguro.
- A documentación oficial que acredite a data de sacrificio.
- Ademais, no caso de saneamento extra deberá achegar a documentación oficial que indique a duración do período no que houbo restrición para a restitución dos animais na explotación.

Privación de acceso a pasteiros

O tomador ou o asegurado deberá remitirle a Agroseguro:

- A documentación oficial que acredite o período durante o cal non puideron ser trasladados os animais aos pasteiros.
- A documentación oficial das probas de saneamento que acreditan o cumprimento dos requisitos de aseguramento.
- As guías de traslado a pasteiros do ano anterior.

Mortalidade masiva

O mínimo indemnizable será de 4 animais maiores de 6 meses polos 100 primeiros animais produtivos que posúa a explotación, máis un animal maior de 6 meses por cada centena de máis de animais produtivos que teña a explotación, contando que os animais produtivos que non completen unha centena contarán como unha máis.

Perda de animais produtivos

O mínimo indemnizable será de 4 animais produtivos polos 100 primeiros animais produtivos que posúa a explotación, máis un animal adulto por cada centena de máis de animais produtivos que teña a explotación, contando que os animais produtivos que non completen unha centena contarán como unha máis.

Gromo de mamite

O mínimo indemnizable será do 1,5 % dos animais produtivos que posúa a explotación, cun mínimo de 6 vacas afectadas.

Para o pagamento do sinistro deberá dispor da documentación que acredite que no momento da contratación cumpría os parámetros seguintes:

- A media xeométrica móbil do RCS en tanque deberá ser inferior a 300.000 ml durante os 3 meses anteriores á contratación.
- A media xeométrica móbil de unidades formadoras de colonias (UFC) de leite de tanque deberá ser inferior a 50.000 ml durante os 2 meses anteriores á contratación.
- Ausencia de inhibidores de crecemento en leite de tanque nos 6 meses anteriores á contratación.

Diminución da prolificidade

A diminución da prolificidade respecto da obtida no período de 12 meses anteriores á contratación deberá ser superior ao 15 % e supor polo menos unha perda de 2 partos.

Perda de calidade do leite

Valorada a perda segundo o anexo V, deberá superar, en todo o período de vixencia do seguro, a cifra de 300 €.

Resto de riscos

Sen mínimo indemnizable.

25ª - FRANQUÍA

Febre aftosa, EEB, saneamento gandeiro extra e perda de produción, privación de acceso a pastos, operacións cirúrxicas e perda de produción por gromo de mamite

Sen franquía

Sacrificio por saneamento gandeiro básico

Franquía de danos do 20 %.

Riscos climáticos, ataque de animais, mortalidade masiva e morte de cría

Franquía de danos do 10 %.

Accidentes individuais

- Franquía de danos do 40 % para asegurados con recarga superior ao 50 %.
- Franquía de danos do 20 % para asegurados con recarga de entre o 30 % e o 50 %.
- Sen franquía para asegurados de réximes cárnicos cunha bonificación igual ou superior ao 30 %.
- Franquía de danos do 10 % para o resto dos asegurados.

Riscos de morte en parto da nai, de enfermidades, de meteorismo, de carbúnculo e enterotoxemia, de sacrificio por gromo de mamite, diminución da prolificidade

- Franquía de danos do 20 % para os asegurados que teñan unha recarga do 150 %
- Franquía de danos do 10 % para o resto dos asegurados.

Mamite

- Franquía de danos do 50 % para asegurados con recarga superior ao 50 %.
- Franquía de danos do 30 % para asegurados con recarga de entre o 30 % e o 50 %.
- Franquía de danos do 10 % para asegurados de réximes cárnicos cunha bonificación igual ou superior ao 30 %.
- Franquía de danos do 20 % para o resto dos asegurados.

SRB

- Franquía de danos do 30 % para os asegurados que teñan unha recarga do 150 %
- Franquía de danos do 10 % para asegurados de réximes cárnicos cunha bonificación igual ou superior ao 30 %.
- Franquía de danos do 20 % para o resto dos asegurados.

Mortalidade por diversas causas

- Franquía de danos elixible do 30 % ou do 50 %.

Morte súbita

- Franquía de danos do 10 % para asegurados de réximes cárnicos cunha bonificación igual ou superior ao 30 %.
- Franquía de danos do 20 % para o resto dos asegurados.

Perda de calidade do leite

- Franquía de danos do 10 % para os asegurados que teñan unha recarga do 150 %
- Sen franquía para o resto dos asegurados.

26ª - CÁLCULO E PAGAMENTO DA INDEMNIZACIÓN

Calcúlase o valor base segundo a condición 23ª; a partir de aí seguiranse os pasos seguintes:

- 1º. **Valor base minorado:** obtense a partir do valor base por aplicación de regra proporcional ou de equidade, cando proceda.
- 2º. **Valor do dano:** obtense a partir do valor base minorado restándolle, cando proceda, o valor de recuperación.
- 3º. **Indemnización neta total:** obtense a partir do valor do dano aplicándolle, cando proceda, a franquía que corresponda. O resultado será a cantidade que debe percibir o asegurado.

No cálculo da indemnización do saneamento extra está incluída a do saneamento básico.

CÁLCULO DA COMPENSACIÓN POR INMOBILIZACIÓN POR FEBRE AFTOSA

Polos animais oficialmente inmovilizados establécese unha compensación por semana de inmovilización de 9 € para os animais produtivos e de 4 € para os animais non produtivos, minorado ou non pola aplicación da regra proporcional ou de equidade e ata un máximo de 17 semanas.

Unha vez calculada a indemnización, realizarase o seu pagamento na conta bancaria do asegurado especificada na declaración do seguro.

27ª - CONSULTA E VERIFICACIÓN DA INFORMACIÓN

De acordo co disposto na Lei 87/1978, do 28 de decembro, de seguros agrarios combinados, e no artigo 8 da Lei orgánica 3/2018, do 5 de decembro, de protección de datos persoais e garantía dos dereitos dixitais, a subscripción da póliza do seguro implica o acceso de ENESA, directamente ou ben a través de Agroseguro, á

información necesaria contida na base de datos do Sistema integral de rastrexabilidade animal (cuxa sigla en castelán é SITRAN) para o cumprimento das funcións de verificación que teñen atribuídas no marco dos seguros agrarios combinados.

Facilitaráselle a Agroseguro o acceso á información autorizada pola Administración xeral do Estado contida na base de datos do Sistema integral de rastrexabilidade animal (cuxa sigla en castelán é SITRAN) necesaria para a valoración dos animais e da explotación asegurada, así como para o cumprimento das funcións de verificación que ten atribuídas no marco dos seguros agrarios combinados.

Así mesmo, Agroseguro enviaralle a ENESA toda a información de carácter zosanitario que lle sexa requirida para facilitarlle o cumprimento das tarefas encomendadas ao Ministerio de Agricultura, Pesca e Alimentación, tanto en relación co control do desenvolvemento e aplicación do Plan de seguros agrarios como no que respecta á sanidade animal. Se Agroseguro detectase aumentos das mortalidades en taxas desproporcionadas en relación co censo ou capacidade declarada, ou sinistros masivos ou outras magnitudes que fagan sospeitar de enfermidade de declaración obrigatoria segundo o artigo 5 da Lei 8/2003, do 24 de abril, informará de forma inmediata a ENESA para a súa comunicación á autoridade competente.

Capítulo VI: ANEXOS

ANEXO I – RISCOS CUBERTOS E CONDICIÓNS DE COBERTURAS

I.1. GARANTÍA BÁSICA

	Riscos cubertos	Capital garantido	Réxime asegurable	Cálculo da indemnización	Mínimo indemnizable	Franquía	
						Tipo	%
Garantía básica	Climáticos e outros riscos	100 %	Todos	Táboa de idade	Sen mínimo	Danos	10 % (EEB sen franquía)
	Encefalopatía esponxiforme bovina						
	Ataque de animais						
	Febre aftosa	100 %	Todos	Perda de produción por obrigas de corentena: táboa	Sen mínimo	Sen franquía	
				Inmobilización: compensación		21 días	Sen franquía
	Saneamento básico (1)	100 %	Todos	Táboa de idade	Sen mínimo	Danos	20 %
	Mortalidade masiva	100 %	Todos	Táboa de idade	4 animais maiores de 6 meses	Danos	10 %
Perda de animais produtivos	100 %	Todos	Porcentaxe de valor unitario base	4 animais produtivos	Sen franquía		

(1) Estará cuberto unicamente nas explotacións con cualificación sanitaria T2 negativo e B2 negativo ou cualificacións superiores.

I.2. GARANTÍAS ADICIONAIS

Garantía (1)	Riscos cubertos	Capital garantido	Réxime asegurable	Cálculo da indemnización	Mínimo indemnizable	Franquía	
						Tipo	%
1	Accidentes individuais	100 %	Todos	Táboa de idade	Sen mínimo	Danos segundo B/R e réxime	0 %
							10 %
							20 %
							40 %
2	Parto	100 %	1-Lácteo 3-Devesa 4-Extensivo de fácil control	Táboa de idade	Sen mínimo	Danos	10 %
	Cirurxía		5-Extensivo de difícil control 6-Centros de recría de xovencas	Compensación		Danos (3)	20 %
			Sen franquía	-			
3	Morte de crías	100 %	1-Lácteo 3-Devesa 4-Extensivo de fácil control 5-Extensivo de difícil control	Táboa de idade	Sen mínimo	Danos	10 %
4	Mamite	100 %	Todos	Táboa de idade	Sen mínimo	Danos segundo B/R e réxime	20 % 30 % 50 %
5	Enfermidades	100 %	Todos	Táboa de idade	Sen mínimo	Danos	10 %
						Danos (3)	20 %
6	SRB	100 %	1-Lácteo 3-Devesa 4-Extensivo de fácil control	Táboa de idade	Sen mínimo	Danos segundo B/R e réxime	10 %
			5-Extensivo de difícil control 6-Centros de recría de xovencas				20 %
			7-Producción de bois				30 %
7	Meteorismo	100 %	Todos	Táboa de idade	Sen mínimo	Danos	10 %
						Danos (3)	20 %
8		100 %	Todos	Táboa de idade	Sen mínimo	Danos	10 %

Garantía (1)	Riscos cubertos	Capital garantido	Régime asegurable	Cálculo da indemnización	Mínimo indemnizable	Franquía	
						Tipo	%
						Danos (3)	20 %
9	Carbúnculo e enterotoxemia	100 %	Todos	Táboa de idade	Sen mínimo	Sen franquía	-
10	Privación de acceso a pasteiros	100 %	3-Devesa 4-Extensivo de fácil control 5-Extensivo de difícil control 7-Produción de bois	Compensación	Sen mínimo	Sen franquía	-
11	Morte súbita (2)	100 %	Todos	Táboa de idade	Sen mínimo	Danos segundo B/R e réxime	10 % 20 %
12	Gromo de mamite	100 %	1-Lácteo	Táboa de idade	1,5 % das reprodutoras e máis de 6 animais afectados	Danos	10 %
						Danos (3)	20 %
13	Mortalidade por diversas causas	100 %	4-Extensivo de fácil control 5-Extensivo de difícil control 3-Devesa 7-Produción de bois 6-Centros de recría de xovencas	Táboa de idade	Sen mínimo	Danos elixible	30 %
							50 %
14	Diminución da prolificidade	100 %	4-Extensivo de fácil control 5-Extensivo de difícil control 3-Devesa	Porcentaxe de valor unitario base de reprodutoras	Diminución da prolificidade cando menos 15 %; perda de 3 partos	Danos	10 %
						Danos (3)	20 %
15	Perda de calidade do leite (4)	100 %	1-Lácteo	Volume mensual de leite producido	>300 €	Sen franquía	-
						Danos (3)	10 %

(1) Poderanse elixir as garantías adicionais de forma independente, salvo as seguintes:

- A garantía 10 só se poderá contratar se se contrata a garantía 9.
- As garantías 4 e 12 son incompatibles entre si.
- As garantías 11 e 13 son incompatibles entre si.
- A garantía 13 é incompatible co resto de garantías, excepto coa 3, 4, 9, 10 e 14.
- A garantía 14 só se podería contratar xunto coa garantía 3.

- (2) Para asegurados bonificados, elixible ao contratar accidentes individuais ou enfermidades ou parto.
- (3) Para asegurados que teñan unha recarga do 150 %
- (4) Para explotacións que nos 6 meses anteriores á contratación tivesen no leite de tanque:
 - O reconto de células somáticas inferior a 300.000
 - O reconto de unidades formadoras de colonias (UFC) inferior a 50.000
 - Ausencia de inhibidores de crecemento bacteriano.

ANEXO II

PARA TODOS OS RISCOS EXCEPTO: FEBRE AFTOSA, EEB, SANEAMENTO GANDEIRO BÁSICO, SANEAMENTO GANDEIRO EXTRA, COMISOS, INMOBILIZACIÓNS, OPERACIÓNS CIRÚRXCAS, PERDA DE PRODUCCIÓN POR MORTE MASIVA E PERDA DE PRODUCCIÓN POR GROMO DE MAMITE

EXPLOTACIÓNS DE RÉXIME LÁCTEO (*)		
VALOR LÍMITE MÁXIMO PARA OS EFECTOS DE INDEMNIZACIÓN		
IDADE EN MESES DOS ANIMAIS PRODUTIVOS	Porcentaxe sobre o valor unitario base	
Reprodutoras ≥ 17 meses ata o primeiro parto	110 %	
Reprodutoras desde o primeiro parto ata ≤ 39 meses	125 %	
Reprodutoras > 39 meses e ≤ 49 meses	110 %	
Reprodutoras > 49 meses e ≤ 59 meses	95 %	
Reprodutoras > 59 meses e ≤ 71 meses	75 %	
Reprodutoras > 71 meses e ≤ 83 meses	60 %	
Reprodutoras > 83 meses	40 %	
Sementais ≥ 24 meses e ≤ 59 meses	120 %	
Sementais > 59 meses	60 %	
IDADE EN MESES DOS ANIMAIS NON PRODUTIVOS	Porcentaxe sobre o valor unitario base	
	Femias	Machos
> 1 e ≤ 3 meses	60 %	27 %
> 3 meses e ≤ 6 meses	100 %	56 %
> 6 meses e ≤ 10 meses	130 %	97 %
> 10 meses e ≤ 14 meses	160 %	131 %
> 14 meses	200 %	143 %
CRÍAS	Porcentaxe sobre o valor unitario base medio ponderado das reprodutoras	
Crías:	12 %/5 % (**)	

(*) Tamén para femias de centros de reprodución oficialmente autorizados.

(**) Para a garantía básica: as crías valoraranse ao 12 % da media ponderada do valor unitario base das reprodutoras.

Para a garantía de morte de crías, mentres o número de crías sinistradas non supere o 5 % do número de reprodutoras, valoraranse ao 12 % da media ponderada do valor unitario base das reprodutoras, e ao 5 %, unha vez superado este 5 %. Cando o número de reprodutoras sexa inferior a 50, as dúas primeiras crías sinistradas indemnizaranse ao 12 % da media ponderada do valor unitario base das reprodutoras.

EXPLOTACIÓNS DE RÉXIMES CÁRNICOS: (*)	
VALOR LÍMITE MÁXIMO PARA OS EFECTOS DE INDEMNIZACIÓN	
IDADE DOS ANIMAIS PRODUTIVOS EN MESES	Porcentaxe sobre o valor unitario base
Reprodutoras \geq 22 meses ata o primeiro parto	100 %
Reprodutoras desde o primeiro parto a \leq 71 meses	115 %
Reprodutoras $>$ 71 meses e \leq 83 meses	100 %
Reprodutoras $>$ 83 meses e \leq 95 meses	100 %
Reprodutoras $>$ 95 meses e \leq 107 meses	100 %
Reprodutoras $>$ 107 meses e \leq 119 meses	85 %
Reprodutoras $>$ 119 meses e \leq 131 meses	80 %
Reprodutoras $>$ 131 meses e \leq 143 meses	75 %
Reprodutoras $>$ 143 meses e \leq 155 meses	65 %
Reprodutoras $>$ 155 meses a \leq 167 meses	60 %
Reprodutoras $>$ 167 meses	55 %
Sementais \geq 24 meses e \leq 120 meses	150 %
Sementais $>$ 120 meses	65 %
IDADE DOS ANIMAIS NON PRODUTIVOS EN MESES	Porcentaxe sobre o valor unitario base
$>$ 1 e \leq 3 meses	78 %
$>$ 3 meses e \leq 5 meses	85 %
$>$ 5 meses e \leq 8 meses	120 %
$>$ 8 meses e \leq 11 meses	150 %
$>$ 11 meses e \leq 15 meses	180 %
$>$ 15 meses e \leq 20 meses	190 %
$>$ 20 meses	200 %
CRÍAS	Porcentaxe sobre o valor unitario base medio

	ponderado das reprodutoras
Crías:	27 %

(*) Tamén para femias de centros de reprodución oficialmente autorizados.

EXPLOTACIÓNS DE PRODUCCIÓN DE BOIS VALOR LÍMITE MÁXIMO PARA OS EFECTOS DE INDEMNIZACIÓN	
IDADE DE BOIS ADULTOS EN MESES	Porcentaxe sobre o valor unitario base
Bois \geq 22 meses e \leq 27 meses	70 %
Bois > 27 meses e \leq 33 meses	80 %
Bois > 33 meses e \leq 39 meses	90 %
Bois > 39 meses e \leq 45 meses	105 %
Bois > 45 meses e \leq 84 meses	135 %
Bois > 84 meses	100 %
IDADE DE BOIS NOVOS EN MESES	Porcentaxe sobre o valor unitario base
Machos castrados < 3 meses	55 %
Machos castrados \geq 3 meses e \leq 5 meses	60 %
Machos castrados > 5 meses e \leq 8 meses	70 %
Machos castrados > 8 meses e \leq 11 meses	75 %
Machos castrados > 11 meses e \leq 15 meses	90 %
Machos castrados > 15 meses e \leq 22 meses	105 %

CENTROS DE RECRÍA DE XOVENCAS VALOR LÍMITE MÁXIMO PARA OS EFECTOS DE INDEMNIZACIÓN	
IDADE DE TENREIRAS DE CENTROS DE RECRÍA EN MESES	Porcentaxe sobre o valor unitario base
Tenreiras > 2 meses e ≤ 6 meses	100 %
Tenreiras > 6 meses e ≤ 10 meses	130 %
Tenreiras > 10 meses e ≤ 14 meses	160 %
Tenreiras > 14 meses	200 %
IDADE DE XOVENCAS DE CENTROS DE RECRÍA EN MESES	Porcentaxe sobre o valor unitario base
Xovenkas ≥ 17 meses e ≤ 36 meses	110 %
Femias > 36 meses	50 %
Sementais ≥ 24 meses e ≤ 59 meses	120 %
Sementais > 59 meses	60 %

CENTROS DE REPRODUCCIÓN E CENTROS DE TESTAXE VALOR LÍMITE MÁXIMO PARA OS EFECTOS DE INDEMNIZACIÓN	
SEMENTAIS MELLORANTES	Porcentaxe sobre o valor unitario base
IDADE DOS SEMENTAIS DE APTITUDE LÁCTEA EN MESES	
Sementais ≤ 81 meses	141 %
Sementais > 81 meses e ≤ 101 meses	57 %
Sementais > 101 meses	24 %
SEMENTAIS DE APTITUDE CÁRNICA	
Sementais ≤ 81 meses	132 %
Sementais > 81 meses e ≤ 101 meses	93 %
Sementais > 101 meses	33 %
SEMENTAIS EN PROCESO DE AVALIACIÓN	
IDADE DOS SEMENTAIS DE APTITUDE LÁCTEA EN MESES	Porcentaxe sobre o valor unitario base
Sementais ≥ 8 meses e ≤ 24 meses	70 %
Sementais > 24 meses e ≤ 59 meses	112 %
Sementais > 59 meses	42 %
IDADE DOS SEMENTAIS TESTADOS DE APTITUDE CÁRNICA EN MESES	Porcentaxe sobre o valor unitario base
Sementais ≥ 12 meses e ≤ 59 meses	100 %
Sementais > 59 meses	42 %
IDADE DE RECRÍAS EN PROCESO DE AVALIACIÓN DE CENTROS DE TESTAXE EN MESES	Porcentaxe sobre o valor unitario base
Recrías de ≥ 5 meses e ≤ 10 meses	60 %

Recrás de > 10 meses e ≤ 17 meses	100 %
-----------------------------------	-------

ANEXO III

VALOR LÍMITE MÁXIMO PARA OS RISCOS DE MORTES E SACRIFICIOS POR EEB E SACRIFICIOS OBRIGATORIOS E PERDA DE CUALIFICACIÓN POR SANEAMENTO GANDEIRO BÁSICO E SANEAMENTO GANDEIRO EXTRA

VALOR LÍMITE MÁXIMO PARA OS EFECTOS DE INDEMNIZACIÓN PARA EXPLOTACIÓNS DE RÉXIME LÁCTEO (*)			
IDADE DE ANIMAIS PRODUTIVOS EN MESES	Porcentaxe sobre o valor unitario base		
Reprodutoras ≥ 17 meses ata o primeiro parto	70 %		
Reprodutoras desde o primeiro parto a ≤ 39 meses	80 %		
Reprodutoras > 39 meses e ≤ 49 meses	70 %		
Reprodutoras > 49 meses e ≤ 59 meses	61 %		
Reprodutoras > 59 meses e ≤ 71 meses	48 %		
Reprodutoras > 71 meses e ≤ 83 meses	38 %		
Reprodutoras > 83 meses	26 %		
Sementais ≥ 24 meses e ≤ 59 meses	77 %		
Sementais > 59 meses	38 %		
IDADE DE ANIMAIS NON PRODUTIVOS EN MESES	Porcentaxe sobre o valor unitario base		
	Femias	Machos	
≤ 3 meses**	38 %	17 %	
> 3 meses e ≤ 6 meses	64 %	36 %	
> 6 meses e ≤ 10 meses	83 %	62 %	
> 10 meses e ≤ 14 meses	102 %	84 %	
> 14 meses	128 %	92 %	

(*) Tamén para femias de centros de reprodución oficialmente autorizados.

(**) Tamén para animais que nacesen despois de que se decretase o baleiro da explotación e que sexan indemnizados pola Administración.

VALOR LÍMITE MÁXIMO PARA OS EFECTOS DE INDEMNIZACIÓN PARA EXPLOTACIÓNS DE RÉXIMES CÁRNICOS:	
IDADE DE ANIMAIS PRODUTIVOS EN MESES	Porcentaxe sobre o valor unitario base
Reprodutoras \geq 22 meses ata o primeiro parto	64 %
Reprodutoras desde o primeiro parto a \leq 71 meses	74 %
Reprodutoras $>$ 71 meses e \leq 83 meses	67 %
Reprodutoras $>$ 83 meses e \leq 95 meses	64 %
Reprodutoras $>$ 95 meses e \leq 107 meses	58 %
Reprodutoras $>$ 107 meses e \leq 119 meses	51 %
Reprodutoras $>$ 119 meses e \leq 131 meses	45 %
Reprodutoras $>$ 131 meses e \leq 143 meses	43 %
Reprodutoras $>$ 143 meses e \leq 155 meses	37 %
Reprodutoras $>$ 155 meses e \leq 167 meses	34 %
Reprodutoras $>$ 167 meses	31 %
Sementais \geq 24 meses e \leq 107 meses	96 %
Sementais $>$ 107 meses	42 %
IDADE DE ANIMAIS NON PRODUTIVOS EN MESES	Porcentaxe sobre o valor unitario base
$<$ 3 meses (*)	48 %
\geq 3 meses \leq 5 meses	54 %
$>$ 5 meses \leq 8 meses	77 %
$>$ 8 meses \leq 11 meses	96 %
$>$ 11 meses \leq 15 meses	115 %
$>$ 15 meses e \leq 20 meses	122 %
$>$ 20 meses	128 %

(*) Tamén para animais nados despois de que se decretase o baleiro da explotación e que sexan indemnizados pola Administración.

VALOR LÍMITE MÁXIMO PARA OS EFECTOS DE INDEMNIZACIÓN PARA EXPLOTACIONES DE PRODUCCIÓN DE BOIS:	
IDADE DE BOIS ADULTOS EN MESES	Porcentaxe sobre o valor unitario base
Bois \geq 22 meses e \leq 27 meses	45 %
Bois > 27 meses e \leq 33 meses	51 %
Bois > 33 meses e \leq 39 meses	58 %
Bois > 39 meses e \leq 45 meses	67 %
Bois > 45 meses e \leq 84 meses	86 %
Bois > 84 meses	64 %
IDADE DE BOIS NOVOS EN MESES	Porcentaxe sobre o valor unitario base
Machos castrados < 3 meses	35 %
Machos castrados \geq 3 meses e \leq 5 meses	38 %
Machos castrados > 5 meses e \leq 8 meses	45 %
Machos castrados > 8 meses e \leq 11 meses	48 %
Machos castrados > 11 meses e \leq 15 meses	58 %
Machos castrados > 15 meses e < 22 meses	67 %
VALOR LÍMITE MÁXIMO PARA OS EFECTOS DE INDEMNIZACIÓN PARA CENTROS DE RECRÍA DE XOVENCAS	
IDADE DE TENREIRAS DE CENTROS DE RECRÍA EN MESES	Porcentaxe sobre o valor unitario base
Tenreiras > 2 meses e \leq 6 meses	64 %
Tenreiras > 6 meses e \leq 10 meses	83 %
Tenreiras > 10 meses e \leq 14 meses	102 %
Tenreiras > 14 meses	128 %
IDADE DE XOVENCAS DE CENTROS DE RECRÍA EN MESES	Porcentaxe sobre o valor unitario base
Xovencas \geq 17 meses e \leq 36 meses	70 %
Reprodutoras > 36 meses	32 %
Sementais \geq 24 meses e \leq 59 meses	77 %
Sementais > 59 meses	38 %

CENTROS DE REPRODUCCIÓN E TESTAXE LÍMITE MÁXIMO PARA OS EFECTOS DE INDEMNIZACIÓN	
IDADE DOS SEMENTAIS MELLORANTES EN MESES	Porcentaxe sobre o valor unitario base
SEMENTAIS DE APTITUDE LÁCTEA	
Sementais ≤ 81 meses	90 %
Sementais > 81 meses e ≤ 101 meses	36 %
Sementais > 101 meses	15 %
SEMENTAIS DE APTITUDE CÁRNICA	
Sementais ≤ 81 meses	84 %
Sementais > 81 meses e ≤ 101 meses	60 %
Sementais > 101 meses	21 %
SEMENTAIS EN PROCESO DE AVALIACIÓN	
SEMENTAIS DE APTITUDE LÁCTEA	
Sementais ≥ 8 meses e ≤ 24 meses	45 %
Sementais > 24 meses e ≤ 59 meses	72 %
Sementais > 59 meses	27 %
SEMENTAIS TESTADOS DE APTITUDE CÁRNICA	
Sementais ≥ 12 meses e ≤ 59 meses	60 %
Sementais > 59 meses	25 %
IDADE DE RECRÍAS EN PROCESO DE AVALIACIÓN DE CENTROS DE TESTAXE EN MESES	Porcentaxe sobre o valor unitario base
Recrías de ≥ 5 meses e ≤ 10 meses	36 %
Recrías de > 10 meses e ≤ 17 meses	60 %

VALOR LÍMITE MÁXIMO POLA PERDA DE PRODUCCIÓN PROVOCADA POLAS OBRIGAS DE CORENTENA POR FEBRE AFTOSA E PERIPNEUMONÍA CONTAXIOSA BOVINA

Tipo de animal	Porcentaxe sobre o valor unitario base
Animais produtivos de réxime lácteo	70 %
Animais produtivos do resto de réximes	16 %

Por cada animal asegurado que resulte comisado no matadoiro como consecuencia directa ou indirecta dun resultado positivo de EEB, compensarase coa cantidade de 255 €.

ANEXO IV

VALORES DE COMPENSACIÓN POR INMOBILIZACIÓN E POLOS PERÍODOS DE RESTITUCIÓN

VALORES DE COMPENSACIÓN POR INMOBILIZACIÓN POR FEBRE AFTOSA EN €

Tipo de animal	Euros/semana
Productivos	9 €
Non productivos	4 €

Cun período de inmovilización mínimo de 21 días completos. Superado ese período mínimo de inmovilización, compensarase por todos os días de inmovilización, ata un máximo de 17 semanas, por todo o período de vixencia da póliza.

VALORES DE COMPENSACIÓN DE SANEAMENTO DURANTE O TEMPO EN QUE NON SE PODEN RESTITUÍR OS ANIMAIS PRODUCTIVOS

Réximes: <ul style="list-style-type: none">• Lácteo• Centros de reproducción oficialmente autorizados	2,65 % do valor unitario base/semana*
Réximes: <ul style="list-style-type: none">• Fácil control• Difícil control• Devesa	1,12 % do valor unitario base/semana*

(*) Por cada animal adulto sacrificado e ata un máximo de 17 semanas.

VALORES DE COMPENSACIÓN POLA PRIVACIÓN DE ACCESO A PASTEIROS

Animais productivos	0,4 % do valor unitario base/semana*
Animais non productivos	0,4 % do valor unitario base/semana*

(*) Cun máximo de 10 semanas.

Para os efectos do seguro, para establecer a idade do animal contarase o número de meses. Os días que non completen un mes computarán como un mes máis.

Significado de expresións utilizadas nos anexos:

>: maiores de.

<: menores de.

≥: maiores ou iguais a.

≤: menores ou iguais a.

ANEXO V

COMPENSACIÓN POLA PERDA DE PRODUCCIÓN CONSECUTIVA A UN GROMO DE MAMITE CLÍNICA

DÍAS DESDE O PARTO (EN DECENAS) NO MOMENTO NO QUE SE VE AFECTADO POR MAMITE CLÍNICA	€ DE COMPENSACIÓN POLA PERDA DE PRODUCCIÓN DE ANIMAIS QUE NON PRECISEN SACRIFICIO	€ DE COMPENSACIÓN POLA PERDA DE PRODUCCIÓN DOS ANIMAIS SACRIFICADOS
1	762	542
2	740	529
3	718	515
4	691	499
5	666	482
6	641	467
7	617	452
8	593	436
9	569	422
10	545	407
11	522	393
12	500	378
13	479	366
14	457	352
15	436	340
16	417	327
17	397	314
18	377	302
19	360	291
20	342	280
21	323	268
22	306	258
23	290	247

DÍAS DESDE O PARTO (EN DECENAS) NO MOMENTO NO QUE SE VE AFECTADO POR MAMITE CLÍNICA	€ DE COMPENSACIÓN POLA PERDA DE PRODUCCIÓN DE ANIMAIS QUE NON PRECISEN SACRIFICIO	€ DE COMPENSACIÓN POLA PERDA DE PRODUCCIÓN DOS ANIMAIS SACRIFICADOS
24	273	237
25	258	227
26	243	218
27	228	208
28	215	201
29	202	193
30	189	185

COMPENSACIÓN POLA PERDA DE ANIMAIS PRODUTIVOS CONSECUTIVA A UNHA MORTALIDADE MASIVA

TIPO DE EXPLOTACIÓN	RÉXIME LÁCTEO E CENTROS DE REPRODUCCIÓN OFICIALMENTE AUTORIZADOS	RÉXIMES CÁRNICOS
Indemnización: porcentaxe do valor unitario dos animais produtivos	45 %	20 %

COMPENSACIÓN POLA PERDA DE CALIDADE DO LEITE (en € por cada tonelada producida no mes)

ESTRATOS INICIAIS (en miles)	ESTRATOS MENSUAIS (células somáticas en miles)									
	<100	>= 100 e < 150	>= 150 e < 200	>= 200 e < 250	>= 250 e < 300	>= 300 e < 350	>= 350 e < 400	>= 400 e < 500	>= 500 e < 600	>600
	A	B	C	D	E	F	G	H	I	J
<100 A	0	0	7	10	13	16	19	21	21	32
<150 B	0	0	5	5	7	10	13	19	21	32
>= 150 e < 200 C	0	0	0	0	7	10	10	19	21	32
>= 200 e < 250 D	0	0	0	0	0	7	10	19	21	32
>= 250 e < 300 E	0	0	0	0	0	0	10	16	19	21

